



新編
國史

日本
後紀

卷之
九

日本後紀


卷第七
卷第廿

三

149
40
9

東 京 圖 書 館

149	40	9	函	架	號	冊
冊	號	架	函	屬	類	



日本後紀

卷第十七起大同三年四月盡四年四月

左大臣正二位兼行左近衛大將臣藤原朝臣冬嗣等奉

勅撰

夫推國高彥天皇平城天皇

夏四月甲寅

山陰道觀察使正四位上兼民部卿菅野朝臣真

道撰行東

海道事山陽道觀察使正四位下兼皇太弟傳宮內卿

藤原朝臣

園人攝行北陸道事右少辨從五位下大中臣朝臣智

治麻呂為兼神祇大副己未從五位下紀朝臣咋麻呂為中務少

輔從五位下安倍朝臣真勝為治部少輔陰陽頭備中守如故從

五位下淡海朝臣貞直為雅樂頭從五位上菅野朝臣庭主為木

工頭甲子內舍人廿人准少監物賜馬新以出納官物也丁卯有

二鳥集於若犬養門樹枝上接翼交頸俱死終日不墜遂為人被

打墜時人以為北陸道觀察使從四位上藤原朝臣仲成典侍正

三位藤原朝臣藥子兄妹招尤之兆也庚午外從五位下飛驒國

造祖門為主計助壬申淡路國飢以播磨國穀賑給癸酉從四位
 下田女王卒也乙亥幸神泉苑賜五位已上衣被辛巳驛鈴遺
 在廊下者自鳴五月壬午朔曲宴賜五位已上衣被癸未廢但馬
 國三驛以不要也甲申先是詔衛門佐從五位下兼左大
 舍人助相摸介安倍朝臣真直外從五位下侍醫兼典藥助但馬
 權掾出雲連廣貞等撰大同類聚方其功既畢乃於朝堂拜表曰
 臣聞長桑妙術必須湯艾之治太一秘結猶資鍼石之療莫不藥
 力迥助拯殘魂於阨厄醫方所鍾遺命於斷雖一貫典
 墳澄心願猶復降懷醫家沉觀摸生乃詔右大臣宜令侍醫出雲
 連廣貞等依所出藥撰集其方臣等奉宣修在尋詳愚情所
 及靡敢漏成一卷名曰大同類聚方宜校始訖謹以奉進但
 允厥經業不詳習年代懸遠注紀絲錯臣等才謝替古學拙知新
 輒呈管窺當夥紕繆不足以對揚天旨酬答聖恩悚慙之墜冰

谷謹拜表以聞帝善之丙戌停馬射以天下疫病也勅如聞大同
 元年洪水為害餘弊未復去年以來疫病流行橫斃者衆顧彼困
 厄深懷矜愍思施恩德以慰黎蒸宜大同元年被水損七分已上
 戶所舉正稅未納悉從免除是日曲宴戊子幸神泉苑令畿內七
 道諸國停貢相撲人已丑遣使療治左右京病民勅去年用
 百姓之間新錢未多宜新旧列用暫濟民乏庚寅後五位下
 田口朝臣息繼為右少辨阿波守如故從五位下藤原朝臣安繼
 為雅樂助從五位下紀朝臣貞成為河內守從五位下藤原朝臣
 伊勢臣為齊宮頭辛卯詔曰朕以寡昧虔嗣丕基履薄如傷黔首
 之隱是恤馭奔若厲紫宸之尊非寧尅已思治勵精施政而仁無
 被物誠未感天自從君臨咎徵斯應頃者天下諸國飢餓繁興疫
 癘相尋多致夭折朕之不德肯及黎元撫事責躬怒焉疚首或恐
 政刑乖越上爽靈心漫汗煩苛下貽人瘼此皆朕之過也兆庶何

辜靜言念之無忘監寐詩不云乎民亦勞止汔可小康其畿內七
道言上飢疫諸國者今年之調宜咸免除仍國司親巡鄉邑醫藥
營救兼令國分二寺轉讀大乘一七箇日左右京亦宜遣使普加
振贍庶幾為善有効濟困窮於畝糧脩德不虛返遊魂於岱錄務
崇寬惠副朕意焉甲午幸神泉苑宴群臣賜錢有差乙未從四位
上巨勢朝臣野足為兼近江守左兵衛督左京大夫如故從五位
下紀朝臣國雄為介式部大輔從四位下賀陽朝臣豐年為兼下
野守從五位下谷忌寸野主為土左守從五位下紀朝臣長田麻
呂為筑前守是日置筑前國守介掾大少目各一員先是令府官
撰行國政彼此相讓□非專一事多廢闕因茲改焉丙申播磨國
獻白鷄二戊戌東宮奉獻賜五位已上衣被庖子從四位下民部
大輔安倍朝臣枚麻呂以年老致仕許之山陽道觀察使正四位
下皇太弟傳兼宮內卿藤原朝臣園人奏言當道播磨備中備後

安藝周防等五箇國去延曆四年以降廿四年已往庸并雜穀等
未進其數不少良由頻年不稔人民彫弊也今將追辦本色國司
則或死或替相續難成百姓則且病且飢運進太難伏望未進代
一收穎稻混合正稅庶於公無損於私得便但任觀察使以來一
依旧令辨進許之壬寅奉黑馬於丹生川上雨師神以祈雨也從
四位上吉備朝臣泉為左大辨左衛士督從四位上藤原朝臣仲
成為兼右大辨從四位下藤原朝臣蔭麻呂為右大舍人頭美濃
守如故從五位下雄川王為散位頭從五位上藤原朝臣繼彥為
治部大輔右京大夫從四位下藤原朝臣藤繼為兼兵部大輔從
五位上和朝臣建男為少輔待從從五位下藤原朝臣世繼為兼
宮內卿外從五位下山田連弟分為內掃部正從五位下藤原朝
臣弟貞為撰津介內匠頭從五位上平群朝臣真常為兼尾張守
從五位下佐伯宿禰社屋為美濃守從五位下□志可□真廣為

介從五位下紀朝臣長田麻呂為大宰少貳從五位下大中臣朝臣鯛取為筑前守甲辰雨群臣言今日甘雨不可不賀皇帝曰朕亦有此情群臣稱方歲仍飲宴終日有司奏樂賜物有差乙巳停有品親王月新巳酉從六位下坂上大宿禰大野授從五位下正四位下安倍朝臣兄雄為畿內觀察使從四位上藤原朝臣緒嗣為東山道觀察使從五位下藤原朝臣安繼為左大舍人助從五位下安倍朝臣真直為右大舍人助右衛士佐相摸介如故從五位上藤原朝臣道雄為治部大輔從五位下藤原朝臣山人為雅樂頭但馬介如故從五位上藤原朝臣繼彥為民部大輔從四位下藤原朝臣今川為美濃守從四位上藤原朝臣緒嗣為陸奧出羽按察使東山道觀察使右衛士督如故從五位下佐伯宿禰社屋為但馬守從五位下坂上大宿禰大野為陸奧鎮守副將軍辛亥但馬國飢遣使賑給六月壬子朔曲宴賜五位已上衣被從五

位下文室真人正嗣為中務少輔豐後守如故從五位下雄川王為大監物從五位下大枝朝臣永山為大學頭從五位下紀朝臣咋麻呂為散位頭外從五位下山田連弟分為伊賀守東山道觀察使從四位上守刑部卿兼右衛士督陸奧出羽按察使臣藤原朝臣緒嗣言伏奉去月廿八日勅以臣遷任東山道觀察使兼帶陸奧出羽按察使臣以弱庸蹠非據負乘之咎年月積淹今復恩寵崇重方任加授無所逃責榮悚相交臣聞簡才官入聖上之通範量力就列臣下之恒分臣性識羸劣久纏疾病戎旅之圖未嘗所學而委愚臣專控邊鎮軍機多變兵術靡常若萬一有躓事意相違即非啻微臣之死罪還亦國家之大勞也當今天下困疲士歿殆半丁壯之餘猶未休息是知民窮兵疲而守不可止忽有不虞何用支防又臣前屢言軍事難成今當其位益知不堪伏願陛下曲賜鑒察特愍臣之駑駘免有臨時之失不任悚懼屏營之

至謹昧死奉表以聞。觸軫宸威。因識攸措。甲寅山城國久世郡地
六町賜高丘親王散位。從三位藤原朝臣乙穀。薨右大臣。從一位
豐成之孫。右大臣贈從一位繼繩之子也。母尚侍百濟王明信。被
帝寵渥。乙穀以父母之故。頻歷顯要。至中納言。性頑驕。好妾馬。緣
山臨水。多置別業。以信宿之。必備內事。推國天皇為太子時。乙穀
侍宴。浮酒不敬。天皇含之。後遣伊豫親王事。辟連乙穀。免歸于第。
自知無罪。以憂而終。時年卅八。己未。增大宰府并管内諸國官人
歷。以為五年。停賜交替。庚申。從五位下多治比真人全成。為雅
樂助。從五位下笠朝臣庭麻呂。為玄蕃助。正五位下百濟王聰哲
為刑部大輔。越後守如故。從五位下紀朝臣良門。為大和介。鎮守
將軍。從五位下百濟王教俊。為兼陸奧介。從五位下坂上大宿祢
大野為權介。從五位上藤原朝臣清主。為左馬頭。從五位上坂上
大宿祢石津麻呂。為右馬頭。外從五位下道嶋宿祢御楯。為陸奧

鎮守副將軍。壬戌。西海道觀察使兼大宰帥。從三位藤原朝臣繩
主上表曰。伏奉發中之詔。擢臣為西海道觀察使。兼賜食封。恭聞
顯命。息越恒品。心魂震奮。啓處無地。臣聞諸道觀察使。任在內官。
更無外澤。至于賜封。固其宜矣。於臣身居當道。饒給公廨。兼亦食
邑。偏濫殊甚。又臣性識庸虛。一無足取。况乎奉使經歲。政達未聞。
伏願奉返使封。少免素食。區區丹愿。伏待矜允。謹遣少典正七位
下臣山田造益人。奉表以聞。詔報曰。忽省來表。獨辭使封。執志謙
退。聲溢時聽。但遠出外州。人之所苦。卿者為方牧。兼居蕃鎮。思欲
分憂。同康景化。忠肅之懿。優賞斯期。宜得此意。無煩重表。甲子。禁
中有一株橘樹。彫枯經日。生意既盡。忽生花葉。楚楚可愛。因茲右
近衛府奉獻。宴飲。賜物有差。散位從四位下安倍朝臣弟當卒。正
五位上勲五等船守之孫。美作守從五位上意比麻呂之男也。室
龜四年。叙從五位下。延曆廿年。授從四位下。清慎作性。夙夜在公。

不過擁門無事資產家風也壬申省因幡國八上郡莫男驛智頭郡道侯驛馬各二匹以不緣大路乘用布也東山道觀察使從四位上守刑部卿兼右衛士督陸奧出羽按察使臣藤原朝臣緒嗣言臣染疾已還年月久矣幸沐天地覆燾之恩遂荷聖明昌泰之運臣至今日實賴鴻私臣聞定刑名決疑讞者刑官之職掌也然則罪之輕重人之死生平反所由最合留意又禁衛宮掖檢校隊仗者衛府之守局也然則以時巡檢臨軍陳設若有闕失罪更寄誰是故快課拙常慮其難況今以庸愚當出遠鎮每思方任未遑內官豈帶宿衛遙臨邊要伏望解辭文武兩職且避賢路且專務懷斯臣之中識匪敢外飾無任丹款懇切之至謹昧死奉表陳情以聞是日令有品親王并諸司把笏者進役夫各有差為防葛野河也從五位下葛井宿祢豐繼為右京亮從五位下大中臣朝臣魚取為大和介從五位下紀朝臣百繼為上野權介右衛士佐如

敬從五位下紀朝臣良門為越後守乙亥從五位下和朝臣男成為大監物從五位下磯野王為圖書頭駿河守如故從五位下永原朝臣最弟麻呂為諸陵頭從五位下中臣丸朝臣豐國為大炊頭從五位下雄川王為正親正從五位下御長真人仲嗣為左兵庫頭勅用印之事應據令格宜諸國觀察使印一從停止若事可行下准諸司請印丙子內匠助從五位下安倍朝臣益成為兼常陸介右大舍人頭從四位下藤原朝臣縵麻呂為兼美濃守從四位下藤原朝臣今川為越前守己卯從五位下小野朝臣真野為少納言正四位上菅野朝臣真道為左大辨山陰道觀察使如故從五位下田口朝臣息繼為左少辨阿波守如故神祇大副從五位下大中臣朝臣智治麻呂為兼右少辨從五位下藤原朝臣美之為大監物正四位下藤原朝臣園人為式部卿山陽道觀察使東宮傅如故從四位上吉備朝臣泉為刑部卿秋七月辛巳朔日

有蝕之甲申。勅夫鎮將之任。寄功邊戍。不虞之護。不可暫闕。今聞鎮守將軍從五位下兼陸奧介百濟王教俊。遠離鎮所。常在國府。儻有非常。何濟機要。邊將之道。豈合如此。自今以後。莫令更然。廢撰津國河邊郡畝野牧。為牧馬逸出。損害民稼。丁亥。幸神泉苑。觀相撲。令文人賦七夕詩。己丑。從五位上多治比真人八千足為少納言。正五位下安倍朝臣鷹野為內藏頭。右近衛少將武藏守如故。從五位下小野朝臣真野為木工助。從五位上藤原朝臣真雄為主殿頭兼備前守。右近衛少將如故。從五位下紀朝臣岡繼為掃部。正五位下布勢朝臣尾張麻呂為攝津守。右衛士佐從五位下紀朝臣百繼為兼越前介。從五位下大宅真人淨成為土佐守。辛卯。曲宴。賜侍臣衣被。癸巳。禁蒔麥苗。乙未。從五位下多治比真人全成為大監。物從五位下藤原朝臣兼之為縫殿助。從五位上石川朝臣繼人為玄蕃頭。從五位上藤原朝臣岡繼為刑部大

輔。從五位下讚岐公千繼為少輔。備前權介如故。從五位下藤原朝臣淨岡為典藥頭。是日詔曰。八屯之士。本斷窺覷。七萃之卒。義在禦侮。然則雖鉤陳所當。事資不虞。而變通之理。不必守株。今者巨猾無聞。奸究不興。多置禁兵。空備警衛。靜而忖度。孔無為也。正始之減吏員。建武之省國色。蓋如此故也。其七衛府雜任已下。員伍稠疊。思慥減省。卿等詳議。定數奏聞。丙申。勅陸奧鎮守官人。遷代之期。未有年限。宜自今以後。一同國司。其醫師以八考為限。庚子。停內藏寮御履長上一人。內膳司食長上一人。新理長上一人。藥師寺木工長上二人。東大寺別勅長上一人。金銀銅鐵長上一人。西大寺木工長上二人。法華寺一人。秋篠寺一人。辛丑。曲宴。賜觀察使已上衾。四位已上衣。是日令內親王及命婦進掘葛野川。役夫各有差。壬寅。廢衛門併左右衛士府。廢衛士府主師各六十人。置門部各一百人。其諸門禁衛出入禮儀及門籍門榜等事。令

衛士府主之仍号曰左右鞞府其左右近衛及左右兵衛等府近衛兵衛元各四百人今定各三百人使部元各廿人今定各十人從五位下紀朝臣百繼為左衛士權佐越前介如故從五位下安倍朝臣真直為右衛士佐相模介如故丁未幸大堰賜五位已上衣被八月庚戌朔曲宴賜五位已上衣被加太政官少納言一貞併左右大舍人寮為一加少屬一貞加內藏寮少允一貞其隼人司依今年正月廿日詔書既從廢省併衛門府而衛門府併左右衛士府仍更置此司隸兵部省但廢佑一貞使部二人加大藏省大丞大録大膳職少進少屬各一貞壬子從四位下三諸朝臣綿麻呂為大舍人頭右兵衛督播磨守如故從五位下藤原朝臣安繼為助心五位下御長真人廣岳為宮內大輔勅齋宮寮之炊部司元長官一人而今改置長官主典官宜准舍人藏部寺司官位散位從四位下葛野王卒三品禊田親王之弟四男時年廿也乙卯

令諸國進徭帳為諸國雜徭差役各殊也庚申外從五位下難波連廣成為內藥正乙丑野狐窟朝堂院中庭常棲焉經十餘日而不見庚午勅凡貢調庸期限已明至有違闕科條亦具而諸國司等不遵憲章多致闕怠積習實亦頗難懲肅宜後令條期各七箇月特莫効罪不得以此更為合期辛未幸神泉苑飲宴極歡賜五位已上綿各有差正五位下御長真人廣岳為左中辨從五位下大伴宿祢弥繼為中務少輔從五位下小野朝臣真野為大監物從五位下藤原朝臣美之為大藏少輔從五位下文室真人正嗣為齋宮頭豐後守如故從四位下紀朝臣廣濱為美濃守右京大夫如故從五位下和朝臣雄成為豐前從五位下紀朝臣百繼為左衛士佐越前介如故癸酉廢監物主典乙亥齋內親王禊於葛野川即移入野宮丙子夜左右兵庫鉦鼓自鳴九月辛巳勅伊勢大神并度會二宮大內人各三貞元是白丁自今以後宜預外

考并把勢癸未齋內親王向伊勢甲申從五位下安倍朝臣真直為少納言右衛士佐相模介如故天文博士外從五位下志斐連國守為兼陰陽博士從五位下中科宿祢雄庭為主計頭外從五位下犬上朝臣望成為助外從五位下飛彈國造祖門為主稅助從五位上多治比真人八千足為大藏大輔正五位下百濟王教德為宮內大輔從五位上高橋朝臣祖麻呂為大膳大夫安藝守如故從五位下大原真人真福為備後守庚寅大白書見乙未勅權入食封限立令條比年所行甚違先典其招提寺封五十戶荒陵寺五十戶妙見寺一百戶神通寺廿戶且且納穀倉院禁私養鷹其特聽養者賜公驗焉戊戌幸神泉苑有勅令從五位下平群朝臣賀是麻呂作和歌曰伊賀尔布久賀是尔阿礼婆可於保志乃乃乎波奈能須惠乎布岐牟須悲太留皇帝歎悅即授從五位上勅去五月詔書曰言上飢疫諸國者今年之調宜咸免除者然

則遭疫國內理須咸免詔旨分明不足致疑今聞或國司等免見病之輩徵未病之民愚吏之失還致民憂宜早下知莫令更然其浪人調并中男作物亦准於此已亥詔曰官多則政贖人少則事替故省併量宜委寄期要昔諸司百寮有闕有劇是以資俸賞賜或厚或薄今官既從改賞何依舊宜要劇馬新時服公廨悉革前例普給眾司詳為條例具以奏聞庚子勅去大同元年十一月六日格云頻年不稔民弊特甚非有輕租何得自存伊賀紀伊淡路三箇國田租始自今年六箇年收不四得六今今年三月十九日格云收備後安藝周防等國田租不四得六有疑通計宜每戶立率免四收六莫用通計之法乙巳大和國言此國水田一万七千五百餘町河內和泉兩國田一万七千餘町以此以彼多少無異而班田使負已倍兩國伏請口河內等國省使負數除民之弊許之仍省次官一人判官二人主典二人冬十月己酉朔宴五位已

上賜綿有差從五位下佐伯王為大監物從五位下多治比真人
全成為縫殿助大外記從五位下豐宗宿稱廣人為兼主稅頭山
陰道觀察使判官陰陽助如故乙卯遊獵北野布勢內親王奉獻
飲宴極日有司奏樂賜五位以上衣被丙辰左衛士坊失火燒百
八十家賜物有差丁卯廢能登國能登郡越蘓穴水鳳至郡三井
大市待野珠洲等六箇驛以不要也東山道觀察使左近衛中將
正四位下行春宮大夫安倍朝臣兄雄卒從五位上梗虫之孫无
位道守之子也乏父堪武性好尖高直有耿介之節所歷之職以
公廉稱伊豫親王無罪而廢當上威怒群臣莫敢諫者兄雄抗辭
固爭雖不能得論者義之庚午群鳥集朝堂院東一殿啄剥座茵
乙亥行幸近江國大津修禊以御大嘗也丁丑制警於前例大嘗
散齋三月也自今以後以一月為限十一月辛巳從四位上秋篠
朝臣安人為右大辨左大辨正四位上管野朝臣真道為兼大藏

卿從五位下谷忌寸野主為內掃部正左兵衛督從四位上巨勢
朝臣野足為兼春宮大夫近江守如故是夜有盜入內藏寮府為
人所圍時屬大嘗恐其自殺遣使告喻投昏出去戊子勅如聞大
嘗會之雜樂伎人等專乖朝憲以唐物為餽令之不行往古所譏
宜重加禁斷不得許容辛卯奉幣帛於伊勢大神宮以行大嘗事
也是夜御朝堂院行大嘗之事壬辰於豐樂殿宴五位已上二國
奏風俗歌舞賜五位已上物及二國獻物班給諸司癸巳宴飲終
日賜五位以上衣衾甲午奏雜舞并大歌五節舞等賜由貴主基
兩國國郡司役夫物各有差是日從五位下葛井王授從五位上
正六位上新城王從五位下從四位下三諸朝臣真屋麻呂藤原
朝臣大繼從四位上正五位上藤原朝臣繼業正五位下安倍朝
臣鷹野從四位下從五位上高橋朝臣祖麻呂藤原朝臣繼彥藤
原朝臣道雄紀朝臣田上藤原朝臣真雄正五位下從五位下永

原朝臣取弟麻呂大伴宿祢人益石川朝臣繼人三嶋真人年嗣
百濟王元勝多治比真人今麻呂紀朝臣繩麻呂讚岐公千繼藤
原朝臣山人安倍朝臣真勝大中朝臣智治麻呂從五位上正
六位上大中朝臣弟守紀朝臣越永安倍朝臣寬麻呂藤原朝
臣弟葛多朝臣人長安倍朝臣清繼齋部宿祢廣成從五位下外
從五位下秦宿祢都伎麻呂外從五位上正六位上名草直道主
外從五位下賜五位已上指衣丙申從四位上藤原朝臣緒嗣吉
備朝臣泉授正四位下正四位上五百井女王藤原朝臣勒子從
三位從四位下藤原朝臣藥子正四位下无位紀朝臣田村子從
四位下從五位上三善宿祢姊繼无位伊勢朝臣繼子正五位下
无位藤原朝臣佐祢子從五位上无位坂上大宿禰井手子大中
臣朝臣百子藤原朝臣高子藤原朝臣罔子正六位上粟田朝臣
仲繼從五位下從七位上尾張連真縵外從五位下甲辰從五位

下大中朝臣常麻呂為神祇大副從五位下藤原朝臣弟葛為
陰陽助正五位上大野朝臣直雄為兵部大輔從五位下谷忌寸
野主為主殿助從五位下新城王為內掃部正從四位下藤原朝
臣繼業為左京大夫兼大和守侍從如故從四位下紀朝臣廣濱
為右京大夫美濃守如故從五位上藤原朝臣鷹養為造西寺長
官從五位下安倍朝臣清繼為下野介從五位上大中朝臣智
治麻呂為丹波守左兵衛佐從五位下藤原朝臣貞本為兼但馬
介內藏助如故式部少輔從五位下御室朝臣今嗣為兼出雲介
從五位下安倍朝臣清足為美作介從五位下大中朝臣弟守
為備前介從五位下紀朝臣越永為讚岐介雅樂頭從五位上藤
原朝臣山人為兼伊豫守從五位上多治比真人今麻呂為大宰
少貳從五位下巨勢朝臣諸成為右兵庫頭丁未右衛士坊失火
燒七十八家賜物有差十二月戊申朔曲宴奏樂五位以上賜衣

被_レ卒_レ外從五位下日下部連高道為造酒正從五位下伊勢朝臣繼麻呂為園池正助教外從五位下名草直道主為兼越中權掾壬子勅定額隼人若有闕者宜以京畿隼人隨闕使補之但衣服糧糈莫同舊人特准衛士給之其女者不在補限甲寅大雪宴飲終日五位已上賜綿有差丙辰從五位上藤原朝臣子伊太比從五位上藤原朝臣惠子賜姓永原朝臣甲子東山道觀察使正四位下兼行右衛士督陸奧出羽按察使臣藤原朝臣緒嗣言臣以空虛謬叨非據司帶兩使封食二百兼復預武禁寄備宿衛荷恩則丘山非重議勞則涓塵未効心口神飛罔知所厝臣聞擇才官久聖上之宏規量功取進臣下之恒分故名器無濫授受惟宜臣前數言陸奧之國事難成熟至于今日用臣委彼退慮前言益知不堪加以今聞國中患疫民庶死盡鎮守之兵無人差發又狂賊無病強勇如常降者之徒叛端既見因茲與郡庶民出走數度

儻乘隙作梗何以支擬臣生年未幾眼精稍暗復患脚氣發動無期此病歲積兼乏韜略若不許賤臣猶任其事縱令萬一有失非只臣身之伏誅還奈天下之大事然則上損朝廷之威下敗先人之名伏願皇帝陛下更簡良材以代愚臣方隅之鎮速寄其人臣生長京華未聞宣風望請咸返進所帶封職被任熟國長官且問百姓之苦且療一身之病雖製錦之誠慙於前古特願天鑒紆光曲賜矜允無任兢懼慙懇之至謹奉表以聞經躡嚴宸伏深戰越有勅不許戊辰從六位下息長丹生真人文繼授從五位下外從七位下日置臣登主外從五位下无位笠朝臣道成從五位下道成皇大弟乳母也持有此叙丙子免伊賀國大同元年正稅未納一萬九千束以永害殊甚百姓彫弊也

四年春正月戊寅朔廢朝風寒異常也宴五位已上於前殿賜物有差正三位藤原朝臣內麻呂授從二位已卯正四位下藤原朝

臣藥子授從三位甲申。宴侍臣。賜衣被。丁亥。令諸國停獻。正月七日十六日兩節會珍味。以煩民也。壬辰。有火登天極殿西樓。上吠鳥數百群翔其上。癸巳。春宮亮從五位下藤原朝臣冬嗣為兼侍從。齋宮頭從五位下文室真人正嗣為兼上總守。從五位下息長丹生真人文繼為介。左近衛少將從五位下大伴宿禰和武多麻呂為兼常陸權介。從五位下百濟王教俊為下野守。從五位下谷忌寸野主為豐後介。從五位下佐伯宿禰耳麻呂為陸奥鎮守將軍。乙未。令天下諸國為名神寫大般若經一部奉讀供養。安置國分寺。若无國分寺者。於定額寺。戊戌。曲宴奏樂。賜四位已上被從四位上三諸朝臣真屋麻呂。從四位下三諸朝臣綿麻呂等賜姓三山朝臣。庚子。從五位下息長丹生真人文繼為內藥正。上總介如故。從五位下多治比真人全成為上總守。陰陽博士外從五位下志斐連國守為兼因幡權掾。從五位下豐宗宿禰廣人為肥後

介。主稅頭大外記如故。從五位下文室真人正嗣為豐後守。起從五位下安倍朝臣清繼復本官。二月丁未朔。曲宴。賜四位已上被^五辛亥。勅倭漢惣歷帝譜圖。天御中主尊標為始祖。至如魯王。吳王。高麗王。漢高祖命等。接其後裔。倭漢雜糅。敢垢天宗。愚民迷執。輒謂寶錄。宜諸司官人等所藏。皆進。若有挾情隱匿。乖旨不進者。事覺之日。必處重科。甲寅。山城國乙訓郡地六町賜大原內親王。丁巳。宴五位已上。賜布有差。有勅聽。右大臣從二位藤原朝臣內麻呂著中紫朝服。己未。從五位上大中臣朝臣智治麻呂為神祇大副。從五位下藤原朝臣冬嗣為右少辨。侍從春宮亮如故。從五位下安倍朝臣兄麻呂為大監物。從五位下巨勢朝臣諸成為圖書助。從五位下文屋真人正嗣為陰陽頭。豐後守如故。從五位上安倍朝臣真勝為大學頭。備中守如故。從五位上百濟王元勝為大判事。從五位下伊勢朝臣繼麻呂為主殿助。從五位下冰上真人

河繼為典藥頭。從五位下藤原朝臣伊勢入為齋宮頭。正五位下坂田宿禰奈豆麻呂為造東寺長官。從五位下藤原朝臣清岳為筑後守。從五位下安倍朝臣真直為左近衛少將。侍從少納言如故。從五位下大中臣朝臣常麻呂為右衛士佐。從五位下佐伯王為右兵庫頭。己巳。加少納言一員。中監物二員。少監物二員。庚午。置佐渡隱岐兩國掾各一員。壬申。皇帝不豫。閏二月庚辰。勅前例特簡劇官。給要劇錢。准其官位。多少有差。仍革前例。官無閑劇。皆令善給。但米價已貴。懸倍往年。依旧給錢。事乖隨時。加以食新之儲。豈有多少之異。改張前例。四位已下。初位已上。每人給米二升。但觀察使不預此例。夫奉公之道。清慎為先。無功之賞。廉吏所耻。宜細勘上日。依實申送。務從正直。不得踈畧。己酉。令天下諸國進齋力人。庚寅。廢減供御。并年中雜用。諸司官人。己下月新。癸巳。屈清行僧廿人於內裏讀經。丁酉。制越前國氣比神。豐前國八幡大

菩薩宮司等。遷替之日。准國司與解由。辛丑。始遷志摩國。分二寺僧。安置伊勢國。國分寺。甲辰。外從五位下山田連弟。分為伊賀守。從四位下。安部朝臣鷹野卒。鷹野者。從五位下。猪名麻呂之子也。有仁慈之性。多所汲引。侍從中臣王連伊豫親王之事。經持不服。嬖臣激帝。令加天杖。王背崩爛而死。三月丁未。前上總介石川朝臣道成。大掾千葉國造大私部直善人。並授本位。道成從五位下。善人外從五位下。在任之日。賊汗狼籍。並追位記。矜有其老舊之勞。故付復焉。癸丑。外從五位下。犬上朝臣望成。為日向守。甲寅。雷雨雹。丙辰。從五位下。大中臣朝臣常麻呂為兵部少輔。右衛士佐如故。從五位上和朝臣建男為駿河守。圖書頭。從五位下。磯野王為兼武藏守。從五位上。多治比真人八千足為下總守。外從五位下。難波連廣名為丹波掾。己未。始置左右兵庫史。生各二員。內藥司二員。造兵司二員。鼓吹司二員。隼人司二員。囚獄

司二員。織部司二員。內膳司二員。主水司二員。加左右辨官各四員。內藏寮二員。陰陽寮二員。兵部省四員。大藏省八員。大膳職四員。主殿寮二員。左右馬寮各二員。減內記二員。內匠寮二員。散位寮二員。雅樂寮一員。木工寮四員。園池司一員。彈正臺二員。東西市司各一員。庚申定賜諸司史生以下雜色人以上時服并月新之法。辛酉山城國獻白鹿。癸亥長岡京地四町賜四品坂本親王。丙寅定雅樂寮雜樂師歌舞師四人。笛師二人。唐樂師十二人。橫笛師二人。高濂樂師四人。橫笛篳篥莫目舞等師也。百濟樂師四人。橫笛篳篥莫目舞等師也。新羅樂師二人。琴舞等師也。度羅樂師二人。鼓舞等師也。伎樂師二人。林邑樂師二人。戊辰山城國葛野郡地八町賜大原內親王。是日東山道觀察使正四位下兼行右衛士督陸奧出羽按察使藤原朝臣緒嗣為入邊任。辭見內裏召昇殿上令典侍從五位上永原朝臣子伊太比賜衣一襲被等。

己巳緣修宮殿欲暫御於辨官廳而役夫一人自辨官南門墜死仍停焉。乙亥從三位坂上大宿祢田村麻呂藤原朝臣葛野麻呂並授正三位。正四位上菅野朝臣真道。正四位下藤原朝臣園人並從三位。夏四月丙子朔讀經宮中。又遣使於京下諸寺誦經。天皇自從去春寢膳不安遂禪位於皇弟。詔曰現神等大八洲所知倭根子天皇我詔旨良未勅御命乎親王等王等臣等百官乃人等天下公民衆聞食止宣朕躬劣弱且洪業亦不耐紀止本自思畏利賜許暫毛不怠加以朕躬元來風病尔苦都身體不安志經日累月且乃機缺懈奴今所念久此位彼避天一日片時毛御體欲養止奈所念須故是以皇弟止定賜流某親王尔天下政放授賜布諸衆此狀乎悟清真心辨毛此皇子乎輔導使天下百姓乎可令撫育止勅天皇御命乎衆聞食止宣後太上天皇涕泣固辭乃上表陳讓曰臣幽昧自天教訓無染逸遊肆性機務未涉

陛下弊饒忝茲儲貳願惟重託因攸□□頃者聖體乖和淹除日月醫藥無驗責在臣躬今忽遜神器傳之孱蒙事殊恒制聞命兢惕若登此皇階當彼大寶入神之聖既缺中外之心又沮冀日復嘗藥祈天遠壽佇昇平於半武盪庶績於一篲無任懇迫之至謹奉表以聞天皇不許丁丑天皇避御於東宮上未敢當命戊寅上復抗表曰臣聞天下神器不可輕傳皇業大寶非聖不踐抗表冒請庶蒙優容丹款不孚玄鑒悠邈俯仰焦惶心魂靡厝臣李慙一物勤缺三朝生長深宮素聞稼穡常欲靜忝宸位周施聖訓頌王澤於泰平親至治之鬱起而陛下不察鄙□強授鼎祚臣之構昧何堪之有也但以君唱臣和上下之分綸詔忽降敢不對揚苟欲遂志還懼警命臣冀咨詢公卿擁攝持方機之務穆卜有効當待翌日之瘳然後臨學齒齒胃□道終年在臣至願實為欣幸無任悚戰之至謹重請闕奉表以聞詔不許天皇遂傳位避病於數處五遷

之後宮于平城而事乖釋重改猶煩出尚侍從三位藤原朝臣藥子常侍惟房矯託百端太上天皇甚愛不知其奸遷都平城非是太上皇之旨天皇慮其亂階擯於宮外官位悉免焉太上天皇大怒遣使發畿內并紀伊國兵與藥子同輿自川口道向於東國士卒逃去者衆知事不可遂迴輿旋宮落髮為沙門

日本後紀卷第十七

旨良麻勅御命乎親王諸王諸臣百官人等天下公民眾聞食止
宣尚侍正三位藤原朝臣藥子者挂畏柏原朝根廷乃御時亦東宮
坊宣旨止為比仕賜比而其為性能不能貯乎知食比退賜比去
賜比然物乎百方赴遂比太上天皇亦近支奉流今太上天皇乃
讓國給開大慈深志乎不知比已我威權乎檀為比止之非御言事
乎御言止云都褒貶止許任心比曾无所恐憚如此惡事種種在止
太上天皇亦親仕奉亦依比思忍都御座然猶不飽足止之二亦
朝廷乎言隔比遂波大亂可起又先帝乃萬代官止定賜開平安
京乎棄賜比停賜比平城古京亦遷左年亦奏勸比天下乎擾亂百
姓乎亡弊又其兄仲成已我妹乃不能取比彼不教正比還恃其勢
以虛詐事先帝乃親王夫人乎凌侮比棄家乘路比東西辛苦
世之如此罪惡不可數盡理乃任亦勤賜比罪開賜比久開有止所
思行有依比輕賜比宥賜比藥子者位官解比自宮中退賜比仲

成者佐渡國權守退止宣天皇詔旨乎眾聞食止宣又遣使告于
柏原陵曰天皇御命坐挂畏支柏原大朝庭亦申賜開申比內侍
尚侍正三位藤原朝臣藥子者初太上天皇乃東宮止比堅之時亦
東宮宣旨止為比仕賜比而其為性乃不能所乎知食比退賜比
去賜比然物乎百方赴遂比太上天皇亦近支奉比非御言事乎
御言止云都褒貶任意比曾无所恐憚又萬代官止定賜比平安
京乎棄賜比停賜比平城古京亦遷左年亦奏勸比天下乎擾亂百
姓乎亡弊又其兄仲成恃已妹勢比以虛詐事親王夫人乎凌侮
棄家乘路比東西辛苦世之如此罪惡不可數盡因茲藥子者
官位解比自宮中退賜比仲成者佐渡國權守退賜比又續日本紀
取載乃崇道天皇與贈太政大臣藤原朝臣不好之事皆悉破却
賜比而更依入言比破却之事如本記成此亦无礼之事亦奈今
如前改正之狀老參議正四位下藤原朝臣緒嗣畏比弥亦申賜比

久奏是日宮中戒嚴藤原朝臣雄友授本位正三位正五位下御
長真人廣岳坂田宿祢奈氏麻呂石川朝臣清直多治比真人今
麻呂從四位下正六位上弟村王高瀨王廣根朝臣諸勝紀朝臣
末成坂上大宿祢廣野藤原朝臣廣敏多治比真人育治安倍朝
臣雄能麻呂安倍長田朝臣節麻呂從五位下從四位上秋篠朝
臣安人為參議兼右衛士督左大辨如故正五位下藤原朝臣道
雄為左中辨權右中辨正五位下田口朝臣息繼為真阿波守如
故正五位下小野朝臣野主為權右中辨左近衛少將從五位下
良岑朝臣安世為兼左少辨丹波介如故從五位下藤原朝臣福
當麻呂為右少辨右近衛少將從五位下藤原朝臣三守為兼內
藏頭兼作權介如故正五位下御室朝臣今嗣為大學頭從四位
下坂田宿祢奈氏麻呂為大和守從四位下藤原朝臣繼彥為山
城守從五位下廣根朝臣諸勝為介從四位下紀朝臣田上為尾

張守從五位下藤原朝臣山人為駿河守正四位下藤原朝臣真
兼為伊豆權守從五位上大伴宿祢和武多麻呂為武藏權介正
五位下藤原朝臣貞繼為近江守式部少輔從五位下小野朝臣
岑守為兼介從五位下多治比真人育治為美濃介從五位下藤
原朝臣貞木為飛驒權守從五位下登美真人藤津為越前介從
五位上大中臣朝臣常麻呂為備前權守從五位下安倍朝臣清
繼為安藝權守從四位下多朝臣入鹿為讚岐守從四位下藤原
朝臣真雄為伊豫守從五位下藤原朝臣安繼為薩摩權守正五
位上大野朝臣直雄為左近衛少將春宮大夫從四位上藤原朝
臣藤嗣為兼右近衛中將從五位下紀朝臣百繼為少將下野介
如故從五位下安倍朝臣雄能麻呂為右衛士佐從五位下佐伯
宿祢永繼為左兵衛佐參議正四位下藤原朝臣緒嗣為右兵衛
督從五位下坂上大宿祢廣野為佐從五位下安倍朝臣男笠為

左馬頭^十戊申正四位下藤原朝臣真斐從四位下文室朝臣綿麻呂等被召自平城宮來禁綿麻呂於左衛士府大外記外從五位下上毛野朝臣穎人從平城急來言太上天皇今日早朝取川口道入於東國允其諸司并宿衛之兵悉皆從焉于時遣大納言正三位坂上大宿祢田村麻呂等率輕銳卒從羨濃道邀之田村麻呂奏請綿麻呂武藝之人頗經邊戰募將同行即授正四位上拜參議以遣之歡喜踊躍即駕兵馬又置宇治山崎兩橋于渡市津頓兵是夜令允近衛將監紀朝臣清成右近衛將曹住吉朝臣豐繼等射殺仲成於禁取仲成者參議正三位宇合之曾孫贈太政大臣正一位種繼之長子也性狼抗使酒或昭穆无次忤於心不憚掣蹶及平女弟藥子專朝假威益驕王公宿德多見凌辱民部大輔笠朝臣江人之女適仲成也其姨頗有色仲成見而悅之嫌其不和欲以力強女脫奔佐味親王仲成入王及母夫人家認之

鹿言逆行甚失人道及遭害僉以為自取之矣外從五位下上毛野朝臣穎人授從五位上賞歸順之功也^十已酉太上天皇至大和国添上郡越田村即聞甲兵遮前不知所行中納言藤原朝臣葛野麻呂尤馬頭藤原朝臣真雄等先未然雖固諫猶不納催駕發進焉天皇遂知勢蹙乃旋宮削髮入道藤原朝臣藥子自殺藥子贈太政大臣種繼之女中納言藤原朝臣繩主之妻也有二男一女長女太上天皇為太子時以選入宮其後藥子以東宮宣旨出入卧内天皇私焉皇統弥照^十天皇慮姪之傷義即令駁逐天皇之嗣位徵為尚侍巧求愛媚恩寵隆渥取言之事无不聽容百司衆務吐納自由威福之盛熏灼四方属倉卒之際與天皇同輦知衆惡之歸已遂仰藥而死^十庚戌詔曰天皇詔旨^十良麻^十勅大命^十衆聞^十食止宣太上天皇^十伊勢^十行幸^十世志米^十諸人等法之隨^十罪賜^十又倍^十有止^十取念有^十依^十毛^十奈^十免賜^十比^十宥賜^十布^十又中納言藤原朝臣

葛野麻呂波惡行之首藤原藥子加姻媾之中奈禮重罪有倍然多人鹿等申久雖言不納毛諫爭已懇至止申尔依毛奈罪倍奈賜比勸賜波又藤原朝臣真雄波身命乎棄忘豆諫爭留事衆人利與異尔有尔依毛豆奈毛響賜比勤賜比冠位上賜比治賜波久宣毛天皇大命乎衆聞食止宣是日廢皇太子立中務卿諱高岳和為皇太弟詔曰現神止大八州取知須倭根子天皇詔旨良麻勅御命乎親王等王等臣等百官人等天下公民衆聞食止宣食國之法止定賜比行賜留因法隨尔中務卿諱乎立而皇太弟止定賜布故此之狀悟豆百官人等仕奉止宣天皇勅命乎衆聞賜止宣從四位下藤原朝臣真雄授正四位下十五壬子從五位上磯野王為伊豆權守從五位上大中臣朝臣智治麻呂為武藏介正五位上菅野朝臣庭主為安房權守從四位下紀朝臣田上為枕渡權守正五位下藤原朝臣弟貞為丹後守正四位下藤原朝臣真斐為備中權守

從五位下當麻真人鹽麻呂為淡路權守從五位上大中臣朝臣常麻呂為伊豫守從五位下田口王為土佐權守從五位下紀朝臣良門為肥前權介從五位上大伴宿祢和武多麻呂為日向權守從五位下御室朝臣是嗣為大隅權守從五位下真管王為壹岐權守癸丑從五位下大中臣朝臣諸人為神祇大副尤近衛中將正四位下巨勢朝臣野足為兼中務大輔從五位下安倍朝臣宅麻呂為大舍人助從五位下弟村王為圖書頭從五位下小野朝臣岑守為內藏頭式部少輔近江介如故從五位下藤原朝臣真書為縫殿頭從五位下伊勢朝臣德繼為助尤衛士督從四位下藤原朝臣冬嗣為兼式部大輔義作守如故從五位下多治比真人船主為雅樂助從五位下紀朝臣南麻呂為民部少輔從五位下藤原朝臣友人為兵部少輔參議正四位上文室朝臣綿麻呂為大藏卿兼陸奧出羽按察使從五位上池田朝臣春野為大

輔從五位下三目真人氏人為木工頭正三位藤原朝臣雄友為
彈正尹從五位下高瀨王為弼從五位下秋篠朝臣全繼為造西
寺次官右近衛中將從四位上藤原朝臣藤嗣為撰津守從四位
下御長真人廣岳為伊勢守內面頭從五位下真世王為兼相模
守參議正四位下藤原朝臣緒嗣為兼美濃守右兵衛督如故左
兵衛佐從五位下佐伯宿祢長繼為兼丹波介右近衛少將從五
位下良岑朝臣安世為兼但馬介左少辨如故中務少輔從五位
下藤原朝臣清繩為兼出雲介從四位下賀陽朝臣豐年為播磨
守甲寅越前介從五位下阿倍朝臣清繼權少掾百濟王愛筌等
聞太上天皇幸伊勢國舉兵應之捕新任介從五位下登美真人
藤津不受替遣民部少輔從五位下紀朝臣南麻呂等勘問服罪
清繼已下原死處遠流侍從從四位下大庭王為兼大舍人頭陰
陽博士外從五位下志斐連國守為兼石見權掾天文博士如故

大法師永忠為少僧都大法師長惠為律師乙卯權右中辨正五
位下小野朝臣野主為真從五位下大野朝臣真管為權右少辨
從五位下文室真人弟直為大藏少輔大納言正三位藤原朝臣
園人為兼東宮傅民部卿如故左大辨從四位上秋篠朝臣安人
為兼越後守右衛士督如故從四位下多朝臣入鹿為安藝守從
四位上春原朝臣五百枝為讚岐守丙辰詔曰飛鳥以前未有年
號之目難波御宇始顯大化之稱亦來因循歷世至今是用皇王
開國承家莫不登極稱元隨時施號也朕以眇虛嗣守丕業照臨
四海于茲二周雖日月淹除而未施新號方今時屬豐稔人頌有
年實賴宗廟之靈社稷之祐非朕之寡德取能可致也念與天下
嘉斯休祥宜改大同五年為弘仁元年布告遐迩知朕意焉大法
師脩圓為律師從五位下佐伯王為大監物從五位下伊勢朝臣
德繼為縫殿頭從五位上稻城王為大膳大夫從五位下藤原朝

臣真書為亮從五位下安倍朝臣犬養為尾張守四品阿保親王
為大宰權帥廿三己未大法師脩哲為律師庚申制諸國出舉官稻寧
十束収利三束但陸奧出羽二國不在此限廿五壬戌制大臣身帶二
位者聽著中紫今宜改著深紫又諸王二位己下五位己上及諸
臣二位三位者依令條著淺紫今改著中紫又去大同二年制四
窠己上不得服用者今聽五位己上服用正六位上紀朝臣國繼
伊勢朝臣繼麻呂授從五位下正六位上雁高宿祢氏成外從五
位下正五位下永原朝臣子伊太比從四位下正六位上池田朝
臣幡子從五位下廿七甲子正五位上大野朝臣直雄授從四位下正
六位上佐伯宿祢金山從五位下從五位上藤原朝臣鷹養為民
部大輔從五位下田中朝臣清人為造西寺長官右兵衛佐從五
位下佐伯宿祢長繼為兼下總介從五位下藤原朝臣真川為左
衛士佐參議正四位下藤原朝臣緒嗣為兼右衛士督美濃守如

故從四位下大野朝臣直雄為左兵衛督從五位上藤原朝臣道
繼為佐左大辨從四位上秋篠朝臣安人為兼右兵衛督越後守
如故從五位下佐伯宿祢金山為右兵衛頭廿八乙丑公卿奏言謹案
大同二年九月廿八日詔書稱日者虛傳千妨輻湊占人妄告万
忌森羅又大會小會之言歲對歲位之說天恩發於五辰將軍行
於四仲斯等並出堪輿雜志廿九非舉正之典宜據賢聖格言一除曆
注者臣等商量曆注之興歷代行用男女嘉會人倫之大也農夫
稼穡國家之基也伏望因順物情依舊具注又去大同二年八月
十九日下彈正基例云雜石晉帶畫鎧大刀及素木鞍橋獨射犴
葦鹿獐羆皮等一切禁斷者臣等商量雜石易得造賣多人至于
着用亦復難損銅鎊具者以漆塗成動易剝落今難易各異價直
是同為弊一也又毛皮之類不聽犯用鞍具之要唯須敝文是以
无賴之徒竊斃牛馬為弊二也又節會之義蕃客之朝歲時不絕

必須饒刀。今惣被斷。恐損國威。伏望雜石及毛皮等。悉聽用之。盡
饒刀者。除節會蕃客之外。將加禁制。鞍橋者。除素乘之外。不論素
漆。隨心通用。庶隨民便。蒙得其取。並許之。散事從四位下。川邊女
王卒。丙寅。渤海國遣使獻方物。其王啓云。南容等。廻遠辱書。問悲
切。三考慰及。賴狐捧讀之時。無任哀感。伏承先帝仙馭昇遐。太上
天皇。怡神開館。萬機之重。早識取歸。孟秋尚熱。伏惟天皇起居萬
福。即此元瑜蒙免。天皇繼登寶位。置命惟新。歡洽兆民之心。賴及
一方之外。在於文好。休感攸同。事貴及時。不可淹滯。重差和部少
卿兼和幹。苑使。開國子高南容等。奉啓。用申慶賀之禮。兼上土物。
具在別錄。况南容等。再駕窮船。旋涉大水。放還之路。恐動不虞。伏
望遠降。彼使押領。同來實謂當仁。伏惟照諒。封域遙隔。拜賀未由。
冬十月己巳。從五位下名草直道。主為大學博士。越中權掾如故。
侍從從四位上藤原朝臣繼業。為兵部大輔。近江守如故。從五位

下田中朝臣清人為左京亮。內藥正外從五位下。若江造家繼為
兼尾張權介。侍醫如故。左近衛中將正四位下。巨勢朝臣野足為
兼備中守。中務大輔如故。從五位下。藤原朝臣真川為安藝守。從
五位下。石川朝臣道成。為周防守。從四位下。多朝臣入鹿。為讚岐
權守。從五位上。安曇宿禰廣吉。為伊豫權介。從五位上。御室朝臣
是嗣。為筑後權介。從五位上。御室朝臣氏繼。為薩摩權守。從五位
下。登美真人藤津授。從五位上。甲戌。從五位下。廣根朝臣諸勝。為
攝津介。己卯。正六位上。采女朝臣枝麻呂。授從五位下。丙戌。從五
位下。文屋真人第直。為少納言。從五位下。藤原朝臣真書。為大藏
少輔。外從五位下。縵連家繼。為大膳亮。從五位下。伊勢朝臣德成。
為上野權介。戊子。河內國人。從七位下。勇山國嶋。正七位下。家繼。
正八位上。真繼。從八位下。文繼等。賜姓連。甲午。禊於松崎川。緣大
嘗會事也。陸奧國言。渡嶋狄二百餘人。來著部下。氣仙郡。非當國

取管令之歸去。秋等云：時是寒節，海路難越，願候來春欲歸本鄉者，許之留住之間，宜給衣糧。十一月甲寅，雷乙卯，行大嘗於朝堂院丙辰，御豐樂院悠紀主基兩國獻，詵好雜物，奏土風歌舞。五位已上賜衣被。戊午，宴五位已上，奏雅樂并大歌。從四位下大庭王授從四位上，從五位下第野王作良王從五位上，正六位上貞代王御井王從五位下，從四位下橘朝臣安麻呂、藤原朝臣冬嗣從四位上，正五位下藤原朝臣貞繼從四位下，從五位上紀朝臣繩麻呂正五位下，從五位下田中朝臣淨人、大中朝臣諸人、佐伯宿祢鷹成、安倍朝臣雄笠、甘南備真人諸野、安倍朝臣淨足、藤原朝臣三守從五位上，外正五位下秦宿祢都伎麻呂正六位上，長岡朝臣岡成、豐野真人仲成、畝火真人菟原、藤原朝臣賀祐麻呂、多治比真人繼益、藤原朝臣文山坂上、大宿祢真弓、橘朝臣永繼、藤原朝臣葛成、小野朝臣諸野從六位下，藤原朝臣濱主、安倍朝

臣弟雄正六位上，縣犬養宿祢清繼、佐伯宿祢弟成、忌部宿祢比良麻呂從五位下，正六位上林朝臣山主志賀忌寸、周興賀茂縣主立長藏人根主外從五位下，宴訖，賜祿有差。己未，正四位下橘朝臣諱皇太后多治比真人高子授從三位，无位廣長女王從五位上，正六位上藤野女王，无位繼子女王從五位下，從五位下藤原朝臣松子正五位下，无位藤原朝臣緒斐坂上、大宿祢御井子從五位上，无位藤原朝臣葛子、橘朝臣安万子、三善宿祢弟姪、三國真人真主從五位下，辛酉，正六位上朝野宿祢道守、丹波史鳥守授外從五位下，甲子，免參河美作兩國田租，以供奉大嘗也。十二月庚午，從六位上林宿祢東人為送渤海客使，大初位下上毛野公繼益為錄事，甲戌，外正六位上上毛野公賀美麻呂授外從五位下，己卯，遊獵于芹川野，賜五位已上衣被。壬午，遣參議正四位下巨勢朝臣野足奉幣帛於八幡大神宮，櫛日廟賽，靜亂之禱。

也甲申遣僧七口讀經於吉野陵丙戌鑄錢司用乘銅鑄進新錢
 一千卅貫因茲鑄錢長官從五位上三嶋真人年嗣授正五位下
 次官從五位下大枝朝臣繼吉從五位上自餘六位已下容作兒
 已上叙位賜祿有差癸巳詔曰天文垂象陣列衛於紫微地理
 冷區金石効用於細錄除兇禁暴七德照其威靜亂禦侮四海服
 其武弭天之用焉自往昔甲兵之儲獨茲日今左右近衛其數減
 少脫有機警何以應乖一張一弛文武之道取先觀時適時廢置
 之宜斯在其左右近衛可復舊數焉

日本後紀卷第廿

考異

從四位上一張右十三行上舊作略下授上遣使二右類一使舊而其
 為性乃不能所乎知食氏退賜比去賜氏支舊右類十史補如本
 記成有二字又記其姨三略作二姨中務卿諱淳和訂舊從五位上
 三右二上舊作其姨三略作二姨中務卿諱淳和訂舊從五位上
 下據上左文訂其姨三略作二姨中務卿諱淳和訂舊從五位上
 儀野王據上左文訂其姨三略作二姨中務卿諱淳和訂舊從五位上
 六左七雁舊作及類從五位下右衛士督兵衛據上舊雁高宿禰
 據下文及類從五位上右衛士督兵衛據上舊雁高宿禰
 文訂從五位上右衛士督兵衛據上舊雁高宿禰
 史補賜祿有差類史左物仲成脫據類史補舊山主山葛脫

日本後紀

卷第廿一
卷第廿二
卷第廿四

四

149
40
9

東 京 國 書 館

40	26	9	149		
冊	号	架	函	屬	類

日本後紀

卷第廿一

起弘仁二年正月盡閏十二月

太上天皇

嵯峨

左大臣正二位兼行左近衛大將臣藤原朝臣冬嗣等奉

勅撰

二年春正月

丙申朔皇帝御大極殿臨軒皇太弟文武百官藩客

朝賀如常儀

庚子制上殿舍人一百廿人復舊名為內豎壬寅宴

五位已上并藩客

賜祿有差丙午於陸奧國置和我禊縫斯波三

郡從五位下大野朝臣真管為右少辨從五位下秋篠朝臣全嗣

為治部少輔從五位下藤原朝臣真書為雅樂頭從五位下橘朝

臣永繼為民部少輔從五位上大枝朝臣永山為大判事從五位

下淡海真人有成為大藏少輔左兵衛督從四位下大野朝臣直

雄為兼左京大夫正五位下三嶋真人年繼為造西寺長官從五

位下藤原朝臣文山為次官鑄錢長官從五位上大枝朝臣繼吉

為兼山城介從五位下紀朝臣南麻呂為河內守正五位下藤原

朝臣道雄為紀伊守戊申河內國人從八位上玉作鯛釣賜姓高
道連壬子御豐樂院觀射藩客賜角弓射焉乙卯遣大納言正三
位坂上大宿禰田村麻呂中納言正三位藤原朝臣葛野麻呂參
議從三位菅野朝臣真道等饗渤海使於朝集院賜祿有差丙辰
參議從三位宮內卿兼常陸守菅野朝臣真道上表致仕曰臣聞
晨行暮息身事之恒分壯仕老休禮制之通範所以崇名事主保
身終命也臣本庸品才用無取涉學謝於甲科于錄朝於下士徒
以早因多幸委質先朝爰自儲闈洎臨宸極夙夜軒陛縣歷歲序
遂乃曲蒙口獎濫廁簪纓兼文武之崇班帶中外之厚秩以至今
日累沐天恩顧惟尸素伏深戰慄但臣歷事三朝齒登七十病隨
年積志與身衰雖疲駘輟馭非無願戀之心而漏盡夜行恐乖止
足之誠伏願歸骸舊里收迹蓬廬養疾以存餘生杜門而待終日
無任慙懇之至謹詣闕奉表以聞許之但常陸守如故丁巳渤海

國使高南容歸蕃賜其王書曰天皇敬問渤海國王南容入賀省
啓具之惟王資質宏茂性度弘深敷惠輯中盡恭奉外代居北涯
與國脩好浚日滄溟企乃到矣接天波浪葦能亂之責深効精慶
賀具禮眷彼情款嘉賞何止朕嗣膺景命處兼睿圖尅已以臨寰
區不顯以撫地庶德未懷迺化曷覃遐王念濟善隣心切事大弗
難勅勞聿脩先業况南容存至使命不墮船舶窮危審志增勵雖
靡來請豈能忍之仍援駕舩副使押送同附少物至宜領之春寒
惟王平安指此遣書旨不多及戊午正四位上藤原朝臣產子授
從三位己未无品明日香親王坂本親王授四品甲子從四位上
藤原朝臣冬嗣為參議餘官如故從七位下菅原朝臣清人正六
位上朝野宿禰鹿取授從五位下從六位下勇山連文繼外從五
位下正五位下小野朝臣野生為左中辨從五位上藤原朝臣伊
勢人為右中辨從五位上登美真人藤津為治部大輔從五位下

橘朝臣永嗣為越前公從五位上藤原朝臣藤成為播磨公山城國乙訓郡白田一町賜從四位下百濟王教法是日敕占野開田之徒就國請地之日不顯町段遠包四至損公妨民莫甚於此自今以後宜勘町段勿徼四至又陸奧出羽兩國土地曠遠民居稀少百姓浪人隨便開墾國司巡檢隨即收公是以人民散走無有靜心宜兩國開田雖先公驗不得收公二月丁卯授外從五位下志斐連國守從五位下綠陰陽之道勝於傍人也庚午山城國乙訓郡藥園一町賜施藥院辛未勅據令條九祭祀者所司預申官二散齋日平且領告諸司夫散齋之內不得吊喪問疾食食不判刑斂不決罰罪人不作音樂不預穢惡之事今至散齋之日乃領告諸司則諸司情事或犯禁忌宜改令條自今以後散齋前一日頒告諸司癸酉敕諸國之夷唯仰公糧宜其男女皆悉給糧但不_中得及孫乙亥分縫殿寮官人廿人配大藏省以縫作帷幔等類也

丙子遊獵于北野五位已上賜衣被戊寅外從五位下朝野宿祢道守為大炊助從五位下藤原朝臣賀祐麻呂為右京亮從五位下葛井宿禰豐繼為造東寺次官外從五位下山田連弟分為河內公外從五位下勇山連文繼為相模權掾記傳博士如故己卯詔曰應變設教為政之要樞商時制宜濟民之本務朕深淳返朴之風未覃下土興滅繼絕之思常切中襟夫郡領者難波朝連始置其職有勞之人世序其官逮乎延曆年中偏取才良永廢譜弟今省大納言正三位藤原朝臣園人奏云有勞之胤奕世相承郡中百姓長幼託心臨事成務實異他人而偏取藝業永絕譜弟用庸才之賤下處門地之勞上為政則物情不從聽訟則決斷無伏於公難濟於私多愁伏請郡司之擬先盡譜弟遂無其人後及藝業者實得其理宜依來奏庚辰遷御於西宮大宰府官并所管國司聽公辭四分之二年漕于京遙授之官半合焉上野國元上國

今改為大國。壬午，勅常陸國去京遙遠，貢調脚夫路糧多費，去靈龜年，守從四位上石川朝臣難波麻呂始置稻五方束，每年出奉，以利充糧，名曰郡發稻，其用度者，載帳言上，而諸司勘出不聽出，奉宜令依舊。恭議正四位下行右衛士督兼兼濃守藤原朝臣緒嗣言：臣材無定，取器實空虛，病患深躬，久積日月，是以前日抗表，悉辭所居之官。今陛下無遺微，臣復參朝議，聖恩不測，徒踞高天，臣比者沉滯患瘡，療治無驗，似損不損，終至大漸，劇職事重，懼切曠日，伏望解罷，所帶養疾私門，上除朝遊空位之譏，下遂愚臣避賢之願，不在丹款懇迫之至，謹卧病拜表以聞，不許。癸未，皇太弟遷於東宮。乙酉，外從五位下勇山連文繼為大學助，記傳博士相摸權掾如故。從五位下柳本朝臣弟兄為肥前守。庚寅，於大宰府鼓岑四天王寺造釋迦佛像，癸巳，皇太弟奉獻宴飲，極歡而罷。五位已上賜衣被。三月丙申朔，河內國人從七位下土師宿禰常盤

賜姓秋篠朝臣山城國人正六位上土師宿禰百枝管原朝臣庚子安房國人正六位下大伴直勝麻呂賜姓大伴登兼宿禰癸卯武藏國人正六位下小子宿禰身成貫于左京乙巳始令諸國進俘囚計帳。戊申，勅左右近衛兵衛等，劍帶同色，彼此難辨，改舊色。右近衛用緋絕纈，右兵衛用青褐纈，賜大外記從五位上上毛野朝臣頴人度一人，王子停攝津國川邊郡指戶十畑，豐嶋郡二畑，為平民。甲寅，勅陸奧出羽按察使正四位上文室朝臣綿麻呂陸奧守從五位上佐伯宿禰清岑，從五位下坂上大宿禰鷹養鎮守將軍從五位下佐伯宿禰耳麻呂，副將軍外從五位下物部迺瑳連足繼等曰：去二月五日，奏備請發陸奧出羽兩國兵合二万六千人，征不薩體幣伊二村者，依數差發，早致罷討，事期殆減，不得勞軍，以遺後煩。又得三月九日奏，知減軍士一万人，將軍等憂國之情，中心是深，然而搜窮泉窟，衆力是資，故依先奏，不勞減定。

將軍等宜知之勅力同意相共畢功于時出羽守從五位下大伴宿禰今人謀發勇敢俘囚三百餘人出賊不意復雪襲殺戮爾薩體餘孽六十餘人功冠一時名傳不朽也又今人前任備口守之時與祿正六位上河原連廣法謀穿山破盤以開大渠百姓難以慮始噉之不止成功之後多蒙其利追以稱嘆是謂伴渠縱鄴令復生不能知也己未阿牟公人足授外從五位下入足者大安寺僧泰仙也以工術聞令造漏刻積年乃成帝嘉其巧思遷俗叙位雖機巧可寄而復辰易差遂不為用辛酉出雲國造外從七位下出雲臣旅人授外從五位下綠神賀夏也夏四月甲子朔御天極殿視朝也丙寅內宴奏妓丁卯陸奧國人外正六位下志太連宮持停吉弥隻部小金授外從五位下褒勇敢也戊辰四品明日香親王為彈正尹侍醫從五位下出雲連廣貞為兼內藥正但馬權掾如故從五位下藤原朝臣文山為玄蕃頭正三位藤原朝臣

雄友為宮內卿從五位下御井王為正親正造西寺次官從五位下秦宿禰都伎麻呂為兼伯耆權外從五位下大中臣朝臣朝取為荒後守己巳幸神泉苑賜親王己下及諸衛人綿各有差甲戌勅河內國稅分錢三百貫便充當國限三箇年出舉收利為造堤新又彼國課丁少數無入差役其散位之子留省之徒不直奉司常在鄉里者宜限三年補國中雜任計其上日行事與考言上又割公廨息利充堤所食新其代者廻給隨便國三年以後復舊焉乙亥幸神泉苑右京人正六位上高田首清足等七人賜姓田村臣丙子山城國紀伊郡田二町賜從四位下伊勢朝臣繼子丁丑勅蘇麥為管禁制久矣今聞京邑百姓未秋之前活之給急計其所得倍於收實利苟在民何勞禁制自今以後永聽賣買戊寅近江國兼田廿八町賜中務省庚辰正四位上文室朝臣綿麻呂為征夷將軍從五位下大伴宿禰今人佐伯宿禰耳麻呂坂上大宿

補雁為養為副。辛巳幸神泉苑待臣已上賜衣被壬午勅征夷將軍
等曰夷秋于紀為日已久雖加征伐未盡誅鋤今依來請令將出
兵其軍監軍曹等且簡用具奏上但犯軍法禁身請裁隊長已下
依法決斷國之安危在此一舉將軍勉之乙酉公卿奏依去大同
二年詔書七道諸國調物推從輕減欲待入殷即復恒式而於民
未聞繼業於公有之支用更別買求還致勞擾伏望改彼權制復
厥恒典冀得百姓守常國用有足許之廢陸奧國海道十驛更於
通常陸道置長有高野二驛為苦機急也丙戌宮內卿正三位藤
原朝臣雄友薨雄友者叅議兵部卿從三位乙麻呂之孫右大臣
贈從一位是公之第二子也延曆二年授從五位下為義作守遷
兵部少輔任至正五位上除左衛士權督俄而為真六年授從四
位下歷左京大夫兼播磨守九年為叅議兼大藏卿十五年授正
四位下十六年任大宰帥十七年授從三位拜中納言廿三年授

正三位大同初拜大納言雄友性溫和不喜怒姿儀可觀音韻清
朗至於賀正宣命推之為帥伊豫親王之遭害也以舅流于伊豫
國弘仁元年免罪授本位拜宮內卿薨于位時年五十九詔贈大
納言丁亥從六位下笠朝臣梁麻呂授從五位下正七位下當宗
忌寸家主外從五位下從五位上紀朝臣梶繼為玄蕃頭從五位
下笠朝臣梁麻呂為民部少輔從五位下尾張連粟人為主稅頭
從五位下御長真人仲繼為刑部少輔從五位下小野朝臣諸野
為典藥助外從五位下當宗忌寸家主為伊賀守從五位下朝野
宿祢鹿取為左衛士佐己丑阿波國人百濟部廣濱等一百人賜
姓百濟公庚寅幸神泉苑右近衛府奉獻侍臣賜衣被是日遣渤海
國使正六位上林宿祢東人等辭見賜衣被五月戊戌御馬場
殿觀馬射辛丑勅諸國所進春米庸米去大同三四兩年遭旱不
得悉進若隨色辨備恐致民苦今官庫之貯頗有盈餘宜任土所

生賢與調物。進成輕貨。祖畿內者。混合正稅。癸卯。勅征夷將軍正四位上。文屋朝臣綿麻呂等曰。塞下之俘。其數稍多出軍之後。慮生野心。將軍等。勤加綏撫。勿致驚擾。威惠兼施。稱于朝制。許之。從五位上。高階真人遠成。為主計頭。從五位下。小野朝臣真野為齋宮頭。乙巳。幸神泉苑。帝自茲以後。每至假日。避暑於此。丁未。制夫飛彈工者。貢進之年。課役俱免。至于逃亡而不役。何異調庸之未進。自今以後。檢返抄。拘解由。一同調庸。從四位上。藤原朝臣繼業為神祇伯。侍從近江守。如故。從四位下。藤原朝臣縵麻呂為大舍人頭。從五位上。大中臣朝臣智治。麻呂為治部大輔。從五位上。登美真人藤津為兵部大輔。從四位上。春原朝臣五百枝為宮內卿。右近衛中將。從四位上。藤原朝臣藤嗣為兼右京大夫。攝津守。如故。從五位下。紀朝臣岡繼為亮。從五位下。藤原朝臣賀祐麻呂為武藏守。從五位下。藤原朝臣友人為讚岐守。乙酉。賜玄賓法師書。

曰。真俗殊趣。禮接自疎。渴仰徽音。不捨少選。屬夏景燥。條炎風扇。物想禪場。被服與時。宜改聊附法服一具。至宜頌之。壬子。勅征夷將軍正四位上。兼陸奧出羽按察使。文室朝臣綿麻呂等曰。將軍等去二月五日。奏狀。稱來六月上旬。兩國軍士。令頭發入。其糶塩器仗等。先已貯備。不可更勞者。以此觀之。緣軍資物。皆已批批。而今日十二月。來奏。稱軍士食新。并雜物等。且仰國司。令儲備。及絕幕。且用縫作。又出羽守大伴宿禰。今人巡行管內。簡閱軍士者。是知征戰之具。猶有窳落。前後來奏。事何相乖。加以國家之忌。及大歲。同在東方。兵家所避。不可拉觸。宜緣軍庶事。今年備畢。來年六月發入。又檢去延曆十三年例。征軍十萬。軍監十六人。軍曹五十人。廿年。征軍四萬。軍監五人。軍曹卅二人。今將軍等。准兼前例。所定卅七人。權用十五人者。今所興。征軍一萬九千五百餘人。然則四萬之日。軍吏不滿五十。今日二萬。何超六十。仍折衷所定。軍

監十人軍曹廿人宜精選堪戰者充用言上癸丑勅天下諸國昔遭疾疫續以旱灾百姓彫弊于今未復興言念此深疾于懷宜簡鰥寡孤獨及貧窮老疾不能自存者早加賑給但給法者准延曆十九年例甲寅勅農人喫魚酒禁制惟久而國司寬縱無情亂斷今須遣使重加督察宜令國司在前禁止若有輒喫并與者即禁其身使到之日付行決罰不得慣常寬容丙辰大納言正三位兼右近衛大將兵部卿坂上大宿禰田村麻呂薨正四位上犬養之孫從三位菊田麻呂之子也其先阿智使主後漢靈帝之曾孫也漢祚遷魏避國帶方譽田天皇之代率部落內附家世尚武調鷹相馬子孫傳業相次不絕田村麻呂赤面黃鬚勇力過人有將帥之量帝壯之延曆廿三年拜征夷大將軍以功叙從三位但往還之間從者無限人馬難給累路多費大同五年轉大納言兼右近衛大將頻將邊兵每出有功寬容待士能得死力薨于粟田別業

贈從二位時 六月癸亥朔正四位下巨勢朝臣野足授從三位從五位下直世王從五位上從四位上春原朝臣五百枝正四位下從五位上藤原朝臣道繼正五位下從五位下紀朝臣百繼良岑朝臣安世從五位上正六位上藤原朝臣清本藤原朝臣總繼紀朝臣和氣麻呂多治比真人弟笠石川朝臣弟助大伴宿禰山道從五位下正六位上廣井宿禰真成外從五位下從五位上直世王為中務大輔相摸守如故從五位下藤原朝臣總繼為少輔從五位下石上朝臣美奈麻呂為兵部少輔從四位下大野朝臣直雄為左近衛中將左京大夫如故恭議從三位巨勢朝臣野足為右近衛大將恭議左大辨從四位上秋篠朝臣安人為兼左兵衛督越後守如故恭議右大辨從四位下紀朝臣廣濱為兼右兵衛督從五位下藤原朝臣清繩為佐出雲公如故乙丑令諸國進武藝人年卅已下補左右近衛是日奉幣於伊勢大神宮戊

辰大僧都傳燈大法師位勝悟卒法師俗姓凡直阿波國板野郡人也法師初為尊應大德弟子是則芳野神穀大德之入室也道業清高洞明經戒姿儀不凡言語可愛至於非空非有之宗當時推而相讓護命慈寶泰演等英傑皆自其門而出焉聖朝嘉尚授以僧統時儀稱任得其人細徒之中濫行不聞政迹之所致也新盡火滅嗚呼哀哉春秋八十庚午正六位上清原真人夏野授從五位下戊寅從五位上高階真人遠成為民部少輔從五位下尾張連粟人為主計頭從五位下笠朝臣梁麻呂為豐後介辛巳十三大寺僧居年八十乙上者各賜純二匹布四端丁亥主殿寮金殿自倒秋七月乙未出羽國鎮兵賜復三年以在邊成家業絕亡也己亥幸神泉苑觀相撲庚子備前守正四位下藤原朝臣真雄卒左京大夫正四位下鷹取之男左大臣正二位真名之孫也勇力過人頗有武藝為推國天皇之近臣延曆廿二年叙從五位下

任近江權介廿五年授從五位上歷近衛少將大同三年授正五位下同年口從四位下遷左馬頭自守清廉不論人短身帶弓劍常侍朱鈞屬天皇遷御平城今局追從既而一女進謀天皇擬入于伊勢真雄遮輿而伏忘死固爭蓋魏臣斷轍之志乎可謂歲寒而知松柏之後凋者也今上嘉其忠情特授正四位下拜備前守在任而卒時年卅五甲辰幸神泉苑陪侍之人賜錢有差乙巳勅聞平城宮諸衛官人等出入任意不勤宿衛宜直彼忝議加督察焉丙午勅征夷將軍正四位上兼陸奧出羽按察使父室朝臣綿麻呂等曰看今月四日奏狀具知以俘軍一千人委吉弥候部於夜志閉等可籠我弊伊村被村俘黨類巨多若以偏軍臨討恐失機事仍欲發兩國俘軍各一千來八九月之間左右張翼前後奮不可輕畧丁未大極殿龍尾道上有雲氣狀如烟須臾竭滅己酉

安藝國佐伯郡速谷神伊都岐嶋神並預名神例兼四時幣乙卯侍從二五位下藤原朝臣世嗣為兼右少辨從五位下多治比真人弟笠為中務少輔正五位下石川朝臣河主為內匠頭從五位下豐野真人仲成為主稅頭從五位上田中朝臣淨人為大藏少輔從五位下清原真人夏野為宮內少輔從五位下淡海真人有成為左京亮從五位下藤原朝臣總繼為相摸公從五位下大野朝臣直管為下總守從五位下藤原朝臣濱主為出羽公大學頭正五位下御室朝臣今嗣為兼越後守右近衛大將從三位巨勢朝臣野足為兼備前守左大辨從四位上秋篠朝臣安人為兼備中守左兵衛督如故從五位上安倍朝臣真直為周防守山城國乙訓郡地四町賜左衛士督從四位上藤原朝臣冬嗣辛酉右京人正六位上朝原忌寸諸坂山城國人大初位下朝原忌寸三上等賜姓宿禰出羽國奏邑良志閉村降俘吉弥候部都留岐申云

已等與武薩體村夷伊加古等久構仇怨今伊加古等練兵勸眾居都母村誘幣伊村夷將伐已等伏請兵糧先登龍擊者臣等商量以賊伐賊軍國之利仍給米一百斛并勵其情者許之八月乙丑上總國海上郡加置主政一負壬申山城國乙訓郡地二町田十町池一處栗林一町賜甘南備內親王癸酉勅諸國浮浪人若遭水旱者准平民免調庸但人之寄住各有其主宜勸其主損免之不得自茲濫致奸詐甲戌幸神泉苑五位已上賜綿有差是日二星乍合乍離狀似相鬪大宰府言新羅人金巴兄金兼弟金小巴等三人申去年被差本縣運穀海中逢賊同伴盡沒唯已等幸賴天祐僅著聖邦雖沐仁浚非無願戀今聞鄉人流來令得放歸伏望寄乘同船共還本鄉者許之丙子山城國乙訓郡地一町賜春日內親王丁丑廢紀伊國萩原名草賀太三驛以不要也戊寅遊獵于北野五位已上賜衣被是日有狼入造兵司為人所殺已

日本後紀卷第廿一

丑山城國人正六位上高麗人東部黑麻呂賜姓廣宗連是日廢
漆部八畑從公戶庚寅勅留庚午年并五比藉自餘遠年之藉宜
依令除之辛卯齋內親王禊于葛野川諸司陪從如常九月壬辰
朔禁於月祭北辰奉哀改葬等事以齋內親王入伊勢也出羽國
人少初位下无耶志直膳大伴部廣勝賜姓大伴直乙未齋內親
王入伊勢諸司陪從如常右京人正六位上吉田連宮麻呂等賜
姓宿禰乙亥令諸國依舊出拳修理國分寺新庚子曲宴前殿命
文人賦詩其文人五位已上賜被自餘五位并文人六位已下衣
癸卯大風破京中廬舍甲辰被風損者給米有差丁未勅待平城
宮諸衛府官人等任意不直已關宿衛宜改前勅即命少將已上
便檢校焉庚戌停內舍人奏依舊令闡司奏之丁巳遊獵于紫野
五位已上賜衣被是月桃李華冬十月癸亥正六位上林宿禰東
人等至百渤海奏曰國王之啓不據常例是以去而不取其錄事

大初位下上毛野公嗣益等所乘第二船發去之日相失不見未
知何在乙丑勅征夷將軍叅議正四位上大藏卿兼陸奧出羽按
察使文室朝臣綿麻呂等曰看去九月廿二日奏云隨機量復更
分四道士卒數少充用處多加以霖雨無息轉餉有滯不加輜重
恐乏兵糧伏望點加陸奧國軍士一千一百人者依奏丙寅上野
國利根郡長野牧賜三品葛原親王撰津國人正七位上別君清
名賜姓御林宿禰壬申詔曰衛士兵衛四府者宮掖具守戒嚴非
輕所必警慎茲邪防遏虎猾雖綏撫瀛表專叶禮樂之風而備豫
機先必資孤矢之利皇明建極大聖秉軋取適於時道有沿革其
左右衛士兵衛等宜依舊數從五位下藤原朝臣淨本為宮內少
輔從五位上安倍朝臣直直為主殿頭兼豐後守叅議從四位上
左衛士督藤原朝臣冬嗣為兼春宮大夫兼作守如故從五位下
淨原真人夏野為亮從五位下文室真人正嗣為周防守甲戌勅

征夷將軍參議正四位上行大藏卿兼陸奧出羽按察使文室朝臣綿麻呂等曰者今月五日奏狀斬獲稍多歸降不少將軍之經略士卒之戰功於此而知矣其蝦夷者依請須移配中國唯俘囚者思量便宜安置當土勉加教喻勿致勞擾又新獲之夷依將軍等奏宜早進上但人數巨多路次難堪其強壯者步行羸弱者給馬乙亥大和國添上郡地二町賜左近衛府戊寅賜山城國宇治郡地三町為故大納言贈從二位坂上大宿祢田村麻呂之墓地庚辰從五位下伊勢朝臣德成為上野介從五位下豐野真人仲成為肥前守辛巳講仁王經乙酉遊獵于栗前野賜五位已上衣被戊子遊獵于紫野十一月庚子詔曰伊勢國頃年多事百姓勞擾往年供奉大嘗頗疲轉運重屬兵革共廢農畝今亦勞造神宮未遑息肩尋緣齋內親王相替迎送程供不息念其勞心殊疚于懷悅以使民歷代之洪猷救弊可康曩哲之恒範宜今年田租悉

免勿徵甲辰賜書存問玄賓法師又施綿百屯布卅端法師即上表謝恩壬子賜聽福法師書曰煙霞愴泊素是戰勝之場京洛囂塵誠為染衣之地和上超俗雲霄味道巖穴慧炬有晃戒珠無玷國之元老人之師範披薜蘿而長往賞風月以忘歸朕嘉尔令德夢想猶存謂予不信有如暇日今故行李知聞兼附送綿百屯布卅端至宜充頭陀資耳時寒想善加珍衛從五位下坂上大宿祢真弓為大舍人助從四位下多治比真人今麻呂為式部大輔大和國添下郡白田一町賜從五位下三國真人氏人已未改左右衛士府為左右衛門府十二月辛未彈正臺置史生六負癸酉始令諸司史生參國忌齋會甲戌詔曰天皇詔旨止勅命衆聞食止宜陸奧國乃蝦夷等歷代涉時侵亂邊境致略百姓是以掛畏拍原朝連乃御時故從三位大伴宿祢弟麻呂等遣代平給比而餘燼猶遺且鎮守未息又故大納言坂上大宿祢

田村麻呂等遣兵伐平之給不遠伊村極略掃除可止
 逃隱山谷且盡頭且究殲此不得奈利尔曰茲正四位上父室
 朝臣綿麻呂等遣兵其頗震勢乘伐平掃治之副將軍
 等各同心勦力忘殉心以且不惜身命勤任奉利幽遠久薄伐巢
 穴乎破復之遂其種族乎絕且復一二乃遺毛無邊式乎解却轉
 餉乎停廢都量其功勞波上治賜尔足止奈御念須故是以其仕
 奉狀乃重輕乃隨尔冠上賜比治賜止宣天皇御命乎衆聞食止
 宣正四位上父室朝臣綿麻呂授從三位從五位下佐伯宿禰耳
 麻呂正五位下從五位下大伴宿禰今人坂上大宿禰鷹養從五
 位上外從五位下物部匝瑳連足繼外從五位上乙亥故遣渤海
 錄事大初位下上毛野公嗣益追賜從六位下以身死王事也丙
 子地震丁丑遊獵于大原野右大臣藤原朝臣內麻呂并山城國
 奉獻雅樂寮奏樂賜五位已上衣被閏十二月己亥日抱翼辛丑

征夷將軍參議從三位行大藏卿兼陸奧出羽按察使父室朝臣
 綿麻呂奏言今官軍一舉穴殺賊無遺事須悉廢鎮兵永安百姓而
 城柵等所納器仗軍糧其數不少迄于遷納不可廢衛伏望置二
 千人充其守衛其志波城近于河濱屢被水害須法其處遷置使
 地伏望置二千人暫充守衛遷其城訖則留千人永為鎮戍自餘
 悉從解却又兵士之設為備非常既無遺寇何置兵士但邊國之
 守不可卒停伏望置二千人其餘解却又自寶龜五年至于當年
 惣卅八歲邊寇屢動言口無絕丁壯老弱或疲於征戍或倦於轉
 運百姓窮弊未得休息伏望給復四年殊休疲弊其鎮兵者以次
 差點輪轉復免者並許之甲辰遊獵于水生野御於山崎驛山城
 撰津二國奉獻賜五位已上衣被乙巳紀伊國人紀直祖刀自賣
 之子嗣宗言天下之人皆承父姓身為公民長貢調庸而嗣宗獨
 身無所貢父背課役是以欲附母戶外戚不許且為他子假濫有

制伏望因親母之居賜姓藤代宿祢勅賜善原宿祢貫于左京戊申左京人從六位下多治比連年繼賜姓宿祢天和國人從八位下大役連福貴麻呂賜姓大真連己酉出羽國百姓賜復三年勞軍役也乙卯正六位上宗人朝臣高志正六位下物部田繼正六位下飯高宿祢姉網授外從五位下大和國人正六位下賀茂宿祢河守正七位上賀茂宿祢關守等賜姓朝臣丁巳右京人從五位上高村忌寸田使故從五位下高村忌寸真木山等賜姓宿祢焉

日本後紀卷第廿一

考異

藩客 一日張本紀四行藩類聚國史渤海脫左類四補舊律備二右六幸
 寒志 二類九散史作六志來請夫散齊之內從三位脫左類九補舊律備二右六幸
 令及類九散史作六志來請夫散齊之內從三位脫左類九補舊律備二右六幸
 補領告 二類九散史作六志來請夫散齊之內從三位脫左類九補舊律備二右六幸
 格年 三類九散史作六志來請夫散齊之內從三位脫左類九補舊律備二右六幸
 陸奧國人 四類九散史作六志來請夫散齊之內從三位脫左類九補舊律備二右六幸
 位 五類九散史作六志來請夫散齊之內從三位脫左類九補舊律備二右六幸
 贈從二位時 六類九散史作六志來請夫散齊之內從三位脫左類九補舊律備二右六幸
 直彼參議 七類九散史作六志來請夫散齊之內從三位脫左類九補舊律備二右六幸
 新獲之夷 八類九散史作六志來請夫散齊之內從三位脫左類九補舊律備二右六幸
 元老 九類九散史作六志來請夫散齊之內從三位脫左類九補舊律備二右六幸
 宗人 十類九散史作六志來請夫散齊之內從三位脫左類九補舊律備二右六幸
 嘉爾令德 十一類九散史作六志來請夫散齊之內從三位脫左類九補舊律備二右六幸
 追賜從六位 十二類九散史作六志來請夫散齊之內從三位脫左類九補舊律備二右六幸

右日本後紀殘冊第十二第廿一門人稻山行教於京都寫之以類聚國史日本
紀略等諸書校合畢

享和九年十月日

檢校保乙一

日本後紀卷第廿一起弘仁三年正月盡四年二月

左大臣正二位兼行左近衛大將臣藤原朝臣冬嗣等奉

勅撰

太上天皇 嗟峨

三年春正月庚申朔皇帝御大極殿受朝賀宴侍臣於前殿賜御
被甲子大宰府去十二月廿八日奏云對馬嶋言今月六日新羅
船三艘浮口西海俄而一艘之船著於下縣郡佐須浦船中有十
人言語不通消息難知其二艘者闇夜流去未知取到七日船廿
餘艘在嶋西海中燭火相連於是遂知賊船仍敦先着者五人五
人逃走後日捕獲四人即衛兵庫且發軍士又遙望新羅每夜有
火光數處由茲疑懼不止仍申送者為問其事差新羅譯語并軍
穀等發遣已訖且准舊例應護要害之狀告管内并長門石見出
雲等國訖者取奏消息既是大事虛實之狀續須言上而久移年
月遂無取申又要害之國必發人兵應疲警備解却之事期於何

日且言其由不得更急又量事勢不足為虞且令傳出雲石見長門等國護要害事丙寅无品佐味親王授四品正五位下多賀王正五位上无位石野王正六位上原王從五位下從四位上文室朝臣真屋麻呂正四位下從四位下藤原朝臣今川從四位上正五位下百濟王教德小野朝臣野主從四位下從五位上紀朝臣百繼正五位上從五位上池田朝臣春野佐伯宿祢清岑安倍朝臣真勝正五位下從五位下紀朝臣南麻呂藤原朝臣世嗣大原真人真福從五位上正六位上文室真人末嗣藤原朝臣櫻麻呂和朝臣繩繼橘朝臣淨野石川朝臣水長藤原朝臣豐彥大伴宿祢雄堅真粟田朝臣鯨巨勢朝臣清野三嶋真人助成從六位下安倍朝臣豐柄粟田朝臣飽田麻呂石川朝臣淨道秋篠朝臣男足從七位下八多朝臣桑田麻呂正七位上布勢朝臣全繼從五位下正六位上高丘宿祢弟越滋野宿祢家譯林忌寸真永勇山

連家繼外從五位下宴五位已上賜祿有差下卯正五位上紀朝臣百繼授從四位下正六位上布勢朝臣勝成從五位下正六位上簀秦惠師笠麻呂外從五位下從五位上藤原朝臣緒彥從四位下是日詔贈故下野介外從五位上高原連源從五位下以其善政傳于後代也辛未右京人正六位上飛鳥戶造善宗河內國人正六位上飛鳥戶造名繼賜姓百濟宿祢式部卿三品葛原親王為兼大宰帥從三位巨勢朝臣野足為中納言右近衛大將如故從四位上藤原朝臣藤嗣為參議參議從三位藤原朝臣繩主為兵部卿從五位下紀朝臣長田麻呂為玄蕃頭從五位下藤原朝臣弟主為大判事從五位下藤原朝臣福當麻呂為典藥頭左中辨從四位下小野朝臣野主為兼攝津守外從五位下高丘宿祢弟越為山城介從五位下秋篠朝臣男足為伊賀守齋宮頭從五位下小野朝臣真野為兼伊勢權介外從五位下滋野宿祢家

譯為尾張介左馬頭從五位上安倍朝臣男笠為兼參河守從五位下淡海真人有成為介少納言從五位下宇治王為兼遠江守從五位下水上真人河繼為伊豆守從五位下藤原朝臣真川為甲斐守參議右衛門督正四位下藤原朝臣緒嗣為兼近江守從五位下朝野宿祢鹿取為介式部少輔從五位下小野朝臣岑守為兼美濃守內藏頭如故正五位下藤原朝臣道繼為下野守從五位下安倍朝臣豐柄為介正五位下佐伯宿祢耳麻呂為陸奧守從五位上藤原朝臣鷹養為越中守外從五位下秦宿祢智奈理為越後介右近衛中將從四位下大野朝臣直雄為兼丹波守從五位下尾張連粟人為丹後守大外記從五位上毛野朝臣穎人為兼日幡介鑄錢長官從五位上大枝朝臣繼吉為兼伯耆守從五位下石川朝臣清道為介從五位下藤原朝臣清繩為出雲守從五位下三國真人氏人為美作介參議從四位上秋篠朝

臣安人為兼備前守左大辨左兵衛督如故從五位下藤原朝臣廣敏為備中守外從五位下廣井宿祢真成為介從五位下御井王為安藝守外從五位下當宗忌寸家主為阿波介參議從四位上藤原朝臣藤繼為大宰大貳從五位下藤原朝臣葛成為少貳從五位上大枝朝臣永山為肥後守大內記從五位下菅原朝臣清人為兼大掾諸陵頭從五位上永原朝臣最弟麻呂為兼豐前守從四位下紀朝臣百繼為右近衛中將從五位下坂上大宿祢廣野為少將從五位下布勢朝臣全繼為左衛門佐從五位下巨勢朝臣清野為右兵衛佐乙亥宴待臣賜祿有老甲申遊獵栗前野五位已上及山城國掾已上賜衣被乙酉制陸奧出羽按察使正五位上官今改為從四位下官夷外從五位上宇漢米公邑男外從五位下介散南公獨伎播磨國印南郡權少領外從五位下浦田臣山人等三人特聽節會入京丙戌正四位下春原朝臣五

百枝授從三位二月辛卯陸奧國言慶雲三年格云身役十日以上免庸廿日以上庸調俱免者今征夷軍士役卅日以上也伏請准格并延曆廿一年例免除去年調庸者許之壬辰屏風一帖障子卅六枚施入東寺障子卅六枚施入西寺己亥從五位下和朝臣繩繼為散位助正五位下田口朝臣息繼為民部大輔阿波守如故從五位下紀朝臣和氣麻呂為主計頭從五位下石川朝臣第道為木工頭從五位下多治比真人繼益為正親正從四位上藤原朝臣今川為左京大夫越前守如故從五位下菅原朝臣清公為亮從四位下藤原朝臣貞嗣為右京大夫外從五位上物部逆蹠連足繼為鎮守將軍辛丑幸神泉苑覽花樹命文人賦詩賜綿有老花宴之節始於此矣癸卯遊獵水生野甲辰遊獵交野山城攝津河内等國獻物賜侍從以上及國宰掾已上衣被庚戌復采女司辛亥山城國乙訓郡荒地賜大外記從五位上上毛野朝

臣顯人左大史正六位上朝原宿祢諸坂左少史從七位下佐太忌寸豐長各一町左京人從五位下阿倍長田朝臣節麻呂從七位上阿倍長田朝臣高繼等八人賜姓阿倍朝臣壬子從五位下小野朝臣諸野為大膳亮外從五位下縵連家繼為典藥助三月己未朔諸司要劇停米宛錢焉新羅人清漢波等流來依願放還丙寅封一百戶施入秋篠寺丁卯異能之兵衛每府四人准近衛給別祿月糧癸酉御大極殿出雲國造外從五位下出雲臣旅人奏神賀辭并有獻物賜祿如常丁丑從五位下百濟王教勝為刑部少輔外從五位下林忌寸真永為大炊助從五位下多治比真人船主為右京亮戊寅勅大同之初令畿内講師專預講說令演真諦其諸寺雜事并補三綱等暫預僧綱但國分寺者國司講師相共檢校者自今以後部内諸寺宜令講師永加檢校其國分二寺國司亦相共檢其造寺用度者講師別亦勘錄每年申送於僧

綱遷替之日，令依舊例，責其解由。諸國亦宜准之。己卯，山城國乙訓郡陸田一町九段，賜春日內親王。外從五位下雁高宿禰氏成，為近江權大目。壬午，右京人弓削宿禰立麻呂獻連理木。丙戌，兩電夏四月己丑，定鎮守官員。將軍一員，軍監一員，軍曹二員，醫師弩師各一員也。癸巳，幸神泉苑，賜四位已上衾。庚子，出羽國田夷置井出公些麻呂等十五人賜姓上毛野綠野直。壬寅，右京人從七位上阿倍小殿朝臣大家賜姓阿倍朝臣。癸卯，勅僧尼之制。事明令條，男女之別，非無禮法。頃者諸寺僧尼，其數寔繁，外託勝因，內虧戒律，精進之行，無頭濫犯之徒。屢聞僧綱頽面，不加捉搦。官司寬容，無心糾正。又法會之時，懺悔之日，男女混雜，彼此無別，非禮之行，不可勝論。敗道傷俗，莫甚於斯。永言其弊，理合懲肅。宜令京職并諸國，榜示部內諸寺及取有道場等，令加禁斷。若不遵承，輒容受一人已上者，三綱并入者等，並科違勅罪。取司不糾，亦與

同罪。其病者可就寺治疾，及請僧者病者，經僧綱若講師聽其處分。檀越有可勾當寺內雜事者，聽令暫入，不得因此經宿留連。但寺家奴婢及尼寺鎮等，不在禁限。丙午，大外記從五位下豐宗宿禰廣人為兼安藝介。大內記從五位下菅原朝臣清人為兼肥後介。丁未，廢紀伊國名草驛，更置萩原驛。五月庚申，勅諸國司公解田之外，營水陸田，特立嚴制，而諸國不率朝憲，專求私利，百端奸欺，一無懲革，或假他人名，多買墾田，或託言王臣，競占腴地，民之失業，莫不由此。若亦有違犯者，解却見任，科違勅罪。一如先勅，買田占地，並亦沒官。從四位下小野朝臣石子，永原朝臣惠子，授正四位下。正五位下秋篠朝臣諸主藤原朝臣松子，從五位上笠朝臣道成，從四位下從六位上安倍朝臣堅魚，大伴宿禰全刀自，秋篠朝臣室成，安都宿禰吉子，從五位下无位秦忌寸廣刀自，外從五位下是日制，有封神社者，神戶修造於無封社，無人修理，自今

以後宜令祔宜祝等修造每有小破隨即修作不得延怠使致大破國司屢加巡檢若祔宜祝等不勤修理令致破壞者並從解却其有位者即追位記白身者決杖一百國吏不檢閱有致破壞者遷替之日拘其解由但遭風火非常等損不堪修作者言上聽裁辛酉勅伊勢國多氣度會及飯高飯野等七郡神戶百姓等緣徵正稅必加刑罰已亂齋事或致逃散是以昔年停出舉自茲以後借求富民至于報償加利數倍舉者有罪償者受弊宜始自明年神稅之外舉正稅十三萬三千束以其息利充齋宮用壬戌御馬埤殿觀馬射乙丑伊勢國言傳馬之設唯送新任之司自外無取乘用今自桑名郡榎撫驛達尾張國既是水路而徒置傳馬久成民勞伏請一從停止永息煩勞許之丁卯始賜大膳職印己巳幸神泉苑木工寮獻物雅樂寮奏樂飲宴終日賜五位已上衣衾癸酉妃二品朝原內親王辭職許之乙亥賑給京中飢民丁丑遣使

問玄奘法師兼施法服并卅端戊寅勅經國治家莫善於文立身揚名莫尚於學是以大同之初令諸王及五位已上子孫十歲已上皆入大學分業教習庶使拾芥磨玉之彥霧集於環林吞鳥雕蟲之髦風馳乎壁沼而朽木難琢愚心不移徒積多年未成一業自今以後宜改前勅任其取好稍合物情癸未妃四品大宅內親王辭職許之是日公卿奏曰臣聞垂範訓人事歸濟世改制易俗理會適時是知道尚公革政必裁成苟或未弘豈肯膠柱今此刪定令條是去神護景雲二年議請刪定而事有不允寢而莫行數十年後乃始頒下自爾以降訴訟逾繁事不便人理難取則今故謹詳可不輒請刊改冀合機宜用遵可久庶望景化風行而革弊群生日用而沐義俗弭奸邪家全緒業者許之文多不載乙酉令河內國講師便檢校和泉國部內之定額諸寺又上總國檢校安房國之諸寺越中國檢校能登國之諸寺為元來不置講師也

六月戊子，勅諸國夷俘等，不遵朝制，多犯法禁，雖彼野性難化，抑此教喻之未明，宜擇其同類之中心性了事，眾取推服者一人，置為之長，令加捉搦，是日始令參議從四位下紀朝臣廣濱陰陽頭正五位下阿倍朝臣真勝等十餘人讀日本紀，散位從五位下多朝臣人長執講已，遣使造撰津國長柄橋，庚寅賑給京中飢民，辛卯薩摩國蝗，免逋負稻五千束，遣使修大輪田泊神祇官，言住吉香取鹿嶋三神社，隔廿箇年一皆改作，積習為常，其弊不少，今須除正殿外，隨破修理，永為恒例，許之。戊戌，左京人從五位下出雲連廣貞賜姓宿禰，河內國人外從五位下林忌寸真永，右京人正六位上山口忌寸諸足內藏忌寸帶足等賜姓宿禰，辛丑，大和國人故正六位上忍海原連鷹取追賜姓朝野宿禰，鷹取之子從五位下朝野宿禰鹿取言去延曆十一年詐為叔父正六位上朝野宿禰道長之子，既得出身，並改姓，今道長自有繼嗣，伏請還付。

本生得承家門者許之，又依鹿取請，追改鷹取姓，壬寅京中米貴，出官倉米，以減價難貧民，己酉，勅頃者緇徒之間，多犯法禁，取司寬縱，專任律教，不加推勸，朝憲稍弛，為弊良深，自今以後，僧尼犯罪，不論輕重，一依僧尼令，亂之。庚戌，幸於大堰山城國獻物，賜五位以上衣被，壬子，勅甘澤不降，稍涉旬日，眷被南畝，深軫于懷，取冀神靈垂祐，早致嘉雨，宜走幣畿內，祈於名神，大納言正三位兼皇太子傳氏部卿勲五等藤原朝臣園人上表曰：臣昔歲不揆庸菲，頻歷外任，自西及東，愆十有八年，黎民疾苦，政治得失，耳聞目見，頗無相錯，夫銜綸出宰，概持綱紀，親民檢察，良在郡領，今依去年二月十四日詔旨，譜第之事，已復舊例，况乎終身之任，得其人則遷替之吏，高枕而治，非其器，則見任之司，還招罪責，是以精選堪務，沙汰言上，而在京他人，爭第競甲，抑退國選，越舊被任，試之政事，未克宣風，訪之民間，誰有推服，國吏月教不覺郡。

內年弊而無興不治之責還及牧宰外官之歎前後不殊方今仁風遠覃德政屢降然彫殘之餘百姓猶困實由撫養之失人也伏請自今已後銓擬郡司一依言上若選非其人政績無驗則署帳之官咸解見任永不叙用以懲將來天恩垂鑒儻允臣請則今年擬帳悉從返却一定改張明春始行庶令理治之聲起於當年富康之謠流於後代不任犬馬懷主之懇謹奉表冒死以聞詔可左京人從五位下秋篠朝臣上子秋篠朝臣清子右京人從五位下秋篠朝臣室成從七位上秋篠朝臣宅成等賜姓御井朝臣癸丑小鳥生大鳥丙辰左京人美作真人豐庭等三人賜姓淡海朝臣秋七月丁巳朔勅頃者疫旱並行生民未安靜言于此情切納隍但神明之道轉禍為福度馮祐助除此灾禍宜走幣於天下名神戊午御大極殿奉幣於伊勢大神宮為救疫旱也辛酉有野狐見朝堂院壬戌從四位下伊勢朝臣繼子卒贈從三位喪事取須令

官給焉從四位下老人之女也天推國高彦天皇在儲宮納之生親王二男三女卒時年卅一癸亥幸神泉苑觀相撲命文人賦七夕詩己巳封五十戶苑入招提寺癸酉陸奧國言屯田元二百町伏望定一百町為鎮守儲者許之庚辰幸神泉苑賜陪侍者錢有老壬午賜山城攝津河內三國新錢各二百卅貫出舉取利宛隄防用八月丙戌朔正五位下田口朝臣息繼為右中辨阿波守如故正五位下藤原朝臣綱繼為民部大輔從五位下大伴宿祢小堅真為兵部少輔從四位上大庭王為刑部卿從五位上藤原朝臣伊勢人為因幡守從五位下石上朝臣美奈麻呂為周防守戊子從五位上安倍朝臣真直為權左少辨豐後守如故從五位下藤原朝臣清本為侍從正五位下御室朝臣今嗣為圖書頭越後守如故從五位下菅原朝臣清公為大學頭從五位下弟村玉為玄蕃頭從五位下藤原朝臣文山為宮內少輔從五位下菅原朝

臣清人為主殿頭肥後介如故從五位下紀朝臣貞成為左京亮
庚寅上野國介從五位下息長真人家成大掾正六位上酒人真
人人上等免以令郡司私役百姓也辛卯无品布勢内親王薨詔
賜四品遣從五位下弟村王從五位下文室真人末嗣等監護喪
事親王者皇統彌照天皇第五女也母九朝臣氏親王資性宛順
貞操殊勵延曆十六年為伊勢齋癸巳流僧良勝於多禰嶋以與
女同車也辛丑勅檢承前格有燒亡官物以國司公廨填事乖弘
怨自今以後必據法推決以懲將來俾夫監臨之官勤肅取部守
掌之人慎其防衛者而頃者國司不勤肅清屢致失火為避其責
恒稱神灾官物之損不可勝計救弊之道事資改張自今以後宜
依前格不問神灾人火令國郡司及稅長等依數填備其被老使
出境之官不在此限但國司者以任中公廨填之若當遷替年有
失火者只奪其年折填之戊申傳燈大法師善議卒本姓惠賀連

河内國錦部郡人也法師入唐學問道慈大德之入室也少捐塵
事早結道遊天資秀異氣稟冲和能持梵甲志願傳燈是以三論
之家許號法將中道之理流布國家則伊人之力也才位不愜桃
李成蹊千歲之名是謂不朽道極如休忽歸大暮人之云亡衆生
不幸矣時年八十四辛亥從五位下藤原朝臣濱主為近江權介
癸丑勅在攝津國博獨田一百五十町宜令國司耕種取獲苗子
每年申官待被處分然後用之博獨田者故大僧正行基法師為
影孤獨取置也乙卯從四位下安倍朝臣枚麻呂卒九月戊午陸
奧國遠田郡人勳七等竹城公金弓等三百九十六人言已等未
脫田夷之姓永貽子孫之耻伏請改本姓為公氏被傳給祿永奉
課役者勅可唯卒從課役難勸遺類宜免一身之役仍賜勳七等
竹城公金弓勳八等黑田竹城公繼足勳九等白石公真山等男
女一百廿二人陸奧磐井臣勳八等竹城公多知麻呂勳八等荒

山花麻呂等八十八人陸奧高城連勳九等小倉公真祢麻呂等
十七人陸奧小倉連勳八等石原公多氣志等十五人陸奧石原
連勳八等柏原公廣足等十三人棕崎連遠田公五月等六十九
人遠田連勳八等意薩公持麻呂等六人意薩連小田郡人意薩
公繼麻呂遠田公淨繼等六十六人陸奧意薩連辛酉遊獵北野
五位已上賜衣被甲子新羅人劉清等十人賜糧放還幸神泉苑
宴侍從已上奏效命文人賦詩五位已上及文人賜祿有老乙丑
右大臣從二位兼左近衛大將藤原朝臣內麻呂中納言兼右近
衛大將從三位勳三等巨勢朝臣野足等上表曰臣聞鈞陳六位
環北極以分輝衛尉八屯居西京而警夜誠以紫宮清切周衛無
虧黃屋尊嚴不虞是備夫左近衛元是依數長直職掌既重儀式
亦殊晝夜警護不離禁中常見宮省之事悉知出入之人大同之
年為左右府即停長直一從番上自茲上番下番遙去遙來苟守

當番之直不願長久之法坐作進退稍忘其儀伏惟皇帝陛下道
高萬古功邁百王漢光之懸制戎規何能語美魏武之切言兵略
未足稱奇臣等猥以庸虛得預簪紱職司宿衛身統禁兵伏望左
右近衛府府別簡其驍勇者五十人依舊長直自餘相副亦令番
上許之壬申從五位下息長丹生真人文繼為右京亮无位大宅
水取臣繼主授從五位下甲戌正六位上城部公小野麻呂授外
從五位下乙亥勅依天平勝寶格東大寺四面二里之內不聽教
生今年序稍遠禁防弥薄宜令便經國司新立標榜如有國師不
檢即以違勅論者而今无識之徒不畏朝憲國司講師禁制亦緩
遂使柰苑之邊還作漁獵之地梵宇之下不異屠宰之場宜更禁
止有犯科罪丙子右大臣從二位兼左近衛大將藤原朝臣內麻
呂緣病上表辭職曰臣聞無德而進聖人誠其履危不才而尊有
識陋其非據臣之虛薄又冒殊私懼切陌原荷重岱岳臣賴先緒

忝齒朝端。寵藉時來。息叨封邑。誠當上調。和四時。下遂理萬物。竭節投命。報効絲豪。空消日月。無益聖朝。尸素之譏。臣為其首。禮記曰。為人臣者。殺其身有益於君。則為之。至如臣者。進不能統理眾務。以舉持綱維。退不聞薦拔賢能。而補裨時闕。陛下垂乾以育物之德體。江海含容之大假。臣光照之榮。優臣不貲之分。况復時屬昇平。世返淳朴。感息勵力。竊斯懸車。頃來渴病彌積。兼暗眼精。兩脚強疾。行步失便。內自省量。既知不可。在於物議。更亦何疑。若猶事養愚。都迷止足。恐駢不堪任。遂致覆餗。伏願辭罷官職。養疾私第。遙同葵藿。朝夕傾心。仰乞曲留宸暉。即垂矜許。然則陛下爵不失實。愚臣免不避賢。無任懇款。覲懼之至。謹詣朝堂。奉表以聞。遣中納言正三位藤原朝臣葛野麻呂就第優詔不許。是日從四位下石川朝臣淨直卒。丁丑。曲宴奏樂。賜侍臣祿有差。庚辰。遊獵於大原野。右大臣從二位藤原朝臣內麻呂獻物。侍從已上山城國。

司及右大臣子弟賜衣被。辛巳。勅恠異之事。聖人不語妖言之罪。法制非輕。而諸國信民狂言。言上寔繁。或言及國家。或妄陳禍福。敗法亂紀。莫甚於斯。自今以後。有百姓輒稱託宣者。不論男女。隨事科決。但有神宣灼然其驗尤著者。國司檢察。定實言上。壬午。從五位上大枝朝臣永山為刑部大輔。從五位上紀朝臣咋麻呂為肥後守。冬十月戊子。令諸國神社神主相替之日。與解由。辛卯。右大臣從二位藤原朝臣內麻呂薨。詔贈從一位左大臣。遣從三位藤原朝臣繩主從四位下藤原朝臣貞嗣等監護喪事。內麻呂者。贈太政大臣正一位房前之孫。大納言正二位真楯之子也。奕世相家。少有令望。德量溫雅。士庶悅服。大同初。拜大納言。兼近衛大將。其年轉右大臣。近衛大將如故。任兼相將。經事三主。皆被信重。上有取問。不希指苟合。如或不從。不敢犯顏。九典樞機。十有餘年。靡有愆失。昔日庶人他戶為皇太子時。桀跖之性。好害名流。有一

惡馬馭必蹠齧太子令內麻呂乘快見傷損惡馬位頭不動被鞭
廻旋時人以為非常之器薨于位時年五十七乙巳式部省書生
寅定卅人省試手跡令得出身癸丑官家功德封物停收東大寺
收造東西二寺諸司出納充用之色一依前例廢常陸國安侯河
內石橋助川藻嶋棚嶋六驛更建小田雄薩田後等三驛十一月
戊辰制與解由日受領之官署名已畢任用之人依假不署如此
之類式兵兩省依例勘返判官主典或假或病不加署名推量其
理公私無妨自今以後勿更返却庚午制出羽國史生并弩師歷
同國司乙亥從五位下百濟王教俊授從五位上為出羽守庚辰
於豐樂院宴五位已上賜祿有差壬午贈四品布勢內親王壘田
七百七十二町施入東西二寺癸未起從四位上藤原朝臣冬嗣
從五位下福當麻呂櫻麻呂等復本官十二月丙戌調綿一萬五
百屯施七大寺常住僧并內供奉十禪師戊子攝津國河邊郡空

地卅町賜其親王諱上今日賜玄實法師書兼施綿有等物己丑
從四位上藤原朝臣冬嗣授正四位下從五位上良岑朝臣安世
正五位下正三位藤原朝臣園人為右大臣從三位藤原朝臣繩
主為中納言兵部卿如故從五位下粟田朝臣飽田麻呂為諸陵
頭中納言正三位藤原朝臣葛野麻呂為兼民部卿外從五位下
山田造大庭為主稅口從五位下布勢朝臣全嗣為左近衛少將
參議從三位文室朝臣綿麻呂為左衛門督大藏卿陸奧出羽按
察使如故左少辨正五位下良岑朝臣安世為兼佐但馬介如故
壬辰渤海國人高多弘賜姓名高庭高雄甲午起正四位下藤原
朝臣真復復本官乙未參議正四位下行右衛門督兼近江守藤
原朝臣緒嗣賜度二人丁酉參議左近衛大將正四位下藤原朝
臣冬嗣賜度二人乙巳遊獵於芹川野侍從已上并山城攝津兩
國司賜衣被己酉加木之寮史生六負癸丑制春官坊舍人六百

人就中入色五百人白丁一百人也而入色者無心仕官白丁者
唯在一身是以數年之後駭使乏人宜五百內取外位一百人隨
闕補之

四年春正月乙卯朔皇帝御大極殿受朝賀丁巳少僧都傳燈大
法師位永忠請老優詔不許之己未參河國人外從五位下物部
敏久賜姓物部中原宿祢辛酉宴五位已上於豐樂院奏樂賜祿
有老正四位下吉備朝臣泉授正四位上從四位上秋篠朝臣安
人正四位下正五位下石川朝臣河主藤原朝臣道繼從五位上
安倍朝臣男笠從四位下從五位上藤原朝臣三守太枝朝臣繼
吉坂上大宿祢鷹養正五位下從五位下百濟王忠宗安倍朝臣
犬養安倍朝臣益成佐伯宿祢長繼小野朝臣岑守從五位上外
從五位上物部通瑇連足繼正六位上高階真人淨階藤原朝臣
弟河紀朝臣興道從六位上巨勢朝臣河繼正六位上安倍朝臣

益人從六位上藤原朝臣柄繼正六位上秋篠朝臣祖繼大伴宿
祢國道坂田宿祢永河從五位下正六位上文忌寸山守外從五
位下壬戌從三位五百井女王授正三位正四位下永原朝臣惠
子小野朝臣石子從三位從五位上大原真人清子正五位下无
位橘朝臣綱子從五位下甲子從五位下藤原朝臣弟川為伊勢
介從五位上和朝臣建男為遠江守從五位下安倍朝臣弟雄為
駿河守正五位下坂上大宿祢鷹養為武藏守侍從從五位上藤
原朝臣世嗣為兼下總介從五位下藤原朝臣福當麻呂為常陸
介少納言從五位下宇智王為兼信濃守左少辨正五位下良岑
朝臣安世為兼但馬守左衛門佐如故從五位下坂田宿祢永河
為介從五位上大中臣朝臣智治麻呂為備中守左近衛少將從
五位上佐伯宿祢長繼為兼阿波守春官亮從五位下淨原真人
真野為兼讚岐介左近衛少將從五位下布勢朝臣全繼為兼伊

勢介侍從從四位下平野王為兼豐前守從五位下笠朝臣梁麻呂為豐後守右衛門佐從五位下安倍朝臣雄能麻呂為兼介少納言從五位上百濟王忠宗為兼左兵衛佐戊辰最勝王經講畢迎高學僧十一人於殿上論義施御被傳燈大法師位勤操為律師庚午左京人從八位下竹田臣門繼等六人賜姓清岑宿祢宴侍從以上賜祿有差辛未於南庭觀射癸酉於東西二寺始行坐夏其布施供養准諸大寺例丙子曲宴後殿命文人賦詩賜祿有差丁丑制令伊勢國壹志郡尾張國愛智郡常陸國信太郡但馬國養父郡真郡司子妹年十六已上廿已下容貌端正堪為采女者各一人戊寅大和國人從六位下物部福麻呂賜姓廣澄宿祢已卯正五位下佐伯宿祢清岑為右少辨從五位下文室真人末嗣為內匠助從五位下紀朝臣興道為雅樂頭從五位下安倍朝臣節麻呂為大炊助外從五位下林宿祢真永為鑄錢次官正六

位上林忌寸稻主授外從五位下庚辰遊獵於栗前野五位已上賜衣被二月丙戌治部省言承前之例僧尼出家之時授之度緣受戒之日重給公驗據勘灼然真偽易辨勝寶以來受戒之日毀度緣停公驗只授十師戒牒此之為檢於事有疑如不改張恐致奸偽伏望不毀度緣永為公驗者許之但其度緣自今以後僧者請太政官印居者用取司之印至于受戒之時省並於度緣末注受戒年月并官人署名即以省印印之其居於外國受戒者當取之官准此行之承前取授僧戒牒者惣進僧綱即送取司取司計會明知不詐署印其未然後還授進盡之期斟量立限限內不進後資白牒者不得為驗一同私度若有身亡并還俗者其度緣戒牒早令進省即年終申官毀之庶令姦人屏跡源流自澄甲午改門部釵帶色左門部著淺縹右門部淺縹纈令石見國營乘田州町以其取獲填故年未納營功種子借充正稅限以三年地子依

例輸之乙未河內國人從八位上難波忌寸氏主攝津國人正六位上難波忌寸船人正六位上日下部忌寸阿良多加等賜宿祿丙申外從五位下勇山連家繼為大學博士正五位下大中臣朝臣與取為民部少輔外從五位下物部中原宿禰敏久為大判事外從五位下日下部連高道為大炊助從五位下安倍朝臣節麻呂為造酒正從五位上高階真人遠成為大和介從五位上三原朝臣弟平為尾張守外從五位下縹連家繼為越中權介丁酉上野國甘樂郡大領外從七位下勳六等壬生公郡守特授外從六位下以戶口增益為民取懷也己亥遊獵於交野以山崎驛為行宮是日津頭失火延燒卅一家給米綿有差又駕輿丁并左右衛士等賜綿有差辛丑遊獵水生野山城國奉獻五位已上并山城河內攝津等國司賜衣被史生郡司賜綿有差是夕還宮甲辰從五位上紀朝臣咋麻呂為刑部大輔從五位上大枝朝臣永山為

肥後守賜伊豫國人勳六等吉彌侯部勝麻呂吉彌侯部佐奈布留二人姓野原乙巳大和國平群郡田卅二町賜其親王諱今廿五申制損稼之年土民俘囚咸被其災而賑給之日不及俘囚飢饉之苦彼此應同救急之恩華蜜何限自今以後宜准平民預賑給例但勳位村長及給糧之類不在此限壬子宴神泉苑命文人賦詩奏樂賜綿有差

日本後紀卷第廿二

考異

宴侍臣於前殿一脫張類右四行宴以下四字補繩繼一左九繩舊邑
 男三右十一色立麻呂四左三立本紀畧補繩繼一左九繩舊邑
 類五右請不勤修理五左二畧作弓膀示作爾提類十示請僧者病
 六右諸作緒業類六右三代理格脫提遣使五左類十示請僧者病
 度八類史訂舊緒業六右三代理格脫提遣使五左類十示請僧者病
 以八類史訂舊緒業六右三代理格脫提遣使五左類十示請僧者病
 職十右類九識舊柰苑十右類九識舊之邊十右類九識舊
 上十右類九識舊柰苑十右類九識舊之邊十右類九識舊
 省並十右類九識舊柰苑十右類九識舊之邊十右類九識舊

日本後紀卷第廿四起弘仁五年七月盡六年十二月

左大臣正二位兼行左近衛大將藤原朝臣冬嗣等奉

太上天皇 嗟哉

秋七月丙午朔授正六位上大伴宿祢友足從五位下
 紀朝臣長田麻呂為治部少輔從五位下藤原朝臣福當麻呂為
 常陸守左兵衛佐從五位下住吉朝臣豐繼為兼介從五位下巨
 勢朝臣清野為右衛門佐從五位下大伴宿祢友足為右兵衛佐
 辛亥尾張國丹羽郡田井四町賜夫人從三位橘朝臣嘉智子諱壬子幸
 神泉苑觀相撲乙卯從五位下藤原朝臣賀祐麻呂為中務少輔
 武藏介如故從五位下藤原朝臣文山為侍從從五位下紀朝臣
 長田麻呂為治部大輔從五位下多治比真人船主為少輔從五
 位上大原真人真福為民部大輔從五位下藤原朝臣濱主為
 兼右京亮近江介如故齋宮頭從五位下安倍朝臣寬麻呂為兼

伊勢權介辛酉幸於葛野川賜次侍從衣被丙寅免大和河內兩國遠年未納稻一十三萬四千束以百姓窮乏不堪辨進也己巳勅夫六年一班令條立制理須依其年限諸國共班而大同以來疾疫間發諸國班田零疊者多稽于通法理不可然宜待後班之國滿於年限一令校班尤京大夫從四位上藤原朝臣今川卒參議從三位巨勢麻呂之男左大臣正一位贈大政大臣武智麻呂之孫時年六十六庚午勅畿內近江丹波等國頃年旱災頻發稼苗多損國司默然百姓受害其孝婦舍寃東海蒙枯旱之憂能吏行縣徐州致甘雨之喜然則禍福取與必由國吏自今以後若有旱者官長繫齋自禱嘉對務致肅敬不得狎汙如不應者乃言上之立為恒例辛未從五位下藤原朝臣濱主為兼大學頭近江介如故從五位上安倍朝臣清足為刑部大輔從四位下紀朝臣昨麻呂為左京大夫從五位上坂本朝臣佐太氣麻呂為右京亮從

五位下藤原朝臣永貞為造西寺長官陰陽頭從五位下小野朝臣諸野為兼備中介外從五位下廣井宿禰真成贈從五位下閏七月庚辰幸神泉苑壬午散位正四位上吉備朝臣泉卒泉者右大臣從二位真備之子也孔門童子頗有取聞性殊偏急多忤於物延曆初出為伊豫守被僚下告遣詔使勘問辭涉不敬有司執法請實恒科詔曰其父故右大臣往學盈婦播風弘道遂登端揆或翼皇猷宜宥泉辜念思後善但解見任以懲前惡後復以譴貶佐渡權守歸居本縣鬱鬱不得志大同之初以賢臣之後徵為觀察使試于政事處置無紀對屢之性老而不移卒時年七十二丙戌幸神泉苑賜五位已上被甲午无位春子女王授從五位下己亥聽內外諸司人着薄朝服辛丑遊獵北野日晚御蹉峨院賜待臣衣被癸卯美作國獲白雀賜獲人稻四百束八月丙午從五位下淨野宿禰夏嗣為主殿助丁未直勘系取書手三人准勞叙階

有筮一等二階二等一階甲寅幸皇太極南池命文人賦詩春宮
亮從五位下清原真人夏野授從五位上天進正六位上橘朝臣
長谷麻呂從五位下賜四位已上被五位并春宮屬已上及六位
已下王藤原氏等衣已未无位小繼女王授從五位上辛酉大和
國八嶋寺有嘉禾一莖十八穗甲子免囚人日下部土方補木工
長上土方者撰津國武庫郡人以私鑄錢着鑠役於堀河頗善工
巧仍弃取取才丙寅化來新羅人加羅布古伊等六人配美濃國
戊辰遊獵北野已巳遊獵栗栖野辛未正六位上甘南備真人濱
吉授從五位下從五位下藤原朝臣永貞為陰陽頭正五位下安
倍朝臣真勝為刑部大輔參議正四位下藤原朝臣緒嗣為兼宮
內卿近江守如故外從五位下壹伎直才麻呂為園池正從五位
上安倍朝臣淨足為造西寺長官從五位下甘南備真人濱告為
日向守從四位下良岑朝臣安世為兼左衛門督但馬守如故參

議從三位文室朝臣綿麻呂為兼右衛門督陸奧出羽按察使如
故式部大輔從四位下藤原朝臣三守為兼左兵衛督美作權介
如故從三位春原朝臣五百枝為兼右兵衛督上野守如故壬申
詔曰朕恭踐天位纂承洪基旰食宵衣星霜頻改雖躬居紫極而
心遍黎民庶齊七政以無水旱之災勸九農以有仁壽之喜頃年
以降春耕候花不愆濯枝之潤秋稼垂穎可餘栖畝之糧是則神
靈降祥佛子修善之取致也朕思膺斯嘉貺寄中實於百神欣彼
豐稔報勤勞於萬姓且委天下國宰明加檢校奉官社幣帛並施
給高年僧尼及耆老鰥寡孤獨不能自存者各有等級務在調稱
朕意焉九月庚辰從四位下百濟王教德為治部大輔從五位下
紀朝臣長田麻呂為宮內大輔從五位下大伴宿祢乎智人為左
京亮從五位下中科宿祢善雄為東宮學士從五位下紀朝臣貞
成為造西寺次官壬午幸神泉苑令文人賦詩甲申施京畿七道

諸國國分二寺僧尼年八十已上每入綿二十屯賜老人百歲已上穀二斛九十已上一斛八十已上伍斗。鰥寡孤獨之不能自存者量老幼三斗已下一斗已上。戊子奉幣明神報豐稔也。癸巳右大臣從二位兼皇太弟傅藤原朝臣園人奏言諸國取收官物本倉色目具注稅帳而或國司非必其人便郡稻者即充公廩賜百姓者必於遠郡是以不便之郡物既贏餘至于交替通計彼此出雲國最多此類縱令應貯甲郡而納於乙處帳是全倉物為煨燼伏望自今而後普知諸國依帳收納甲乙之郡不許通計若本倉相違准狀科處庶官家少損黎民蒙濟依請焉。戊戌從五位下安倍朝臣益人為雅樂頭從五位下大伴宿祢彌嗣為大藏少輔從五位下路真人年繼為宮內少輔。庚子遊獵栗前野日暮御彈正尹明日香親王宇治別業親王奉獻賜侍臣衣被。癸卯渤海國遣使獻方物冬十月丁未大雪。癸丑遊獵北野。丙辰新羅商人卅一

人漂著於長門國豐浦郡。甲子右諸衛府奉獻宴飲奏樂賜侍臣及右衛府右馬寮史生已上綿有差。乙丑興福寺傳燈大法師位常棲卒俗姓秦公忌寸山城國葛野郡人也法師幼齡厭俗出家入道天資聰敏日誦萬言初為同寺善珠大德弟子請問內教又善膳大丘土師乙勝學習外傳年及廿學業漸進固持戒律闡揚真宗和衆之中撰作被讓尋而發弘誓願卅年之間轉讀法華經一十二萬四千九百六十卷兼復每日誦般若心經一百卷無殊著陀羅尼一百八遍縱在於造次無虧日科上酬恩愛下濟生靈延曆廿四年有勅屈置之秋篠寺弘仁五年孟冬十月廿二日夜對律師勝義高聲誦弘誓願律師合掌讚歎五更之後音義乃絕春秋七十有四丁卯遊獵水生野山城攝津兩國奉獻賜侍臣已上及二國掾已上衣被。庚午大宰府言新羅人辛波古知等二十六人漂著筑前國博多津問其來由遠投風化散位從四位下多

賀王卒十一月癸酉朔右大臣從二位藤原朝臣園人中納言從三位巨勢朝臣野足奉獻飲宴終日賜待臣綿有美幸已免出雲國田租緣有賊亂及供蕃客也癸未從五位下紀朝臣國雄為主計頭從五位上藤原朝臣千引為刑部大輔正五位下安倍朝臣真勝為造西寺長官從五位下紀朝臣和氣麻呂為安房守巳丑陸奧國言膽澤德丹二城遠去國府孤居塞表城下及津輕狄俘野心難測至於非常不可不備伏望豫備糶塩收置兩城者許之壬辰宴待臣奏五節儻賜祿有差甲午遊獵并川野十二月癸卯朔勅歸降夷俘前後有數仍量便宜安置官司百姓不稱彼姓名而常號夷俘既馴皇化深以為耻宜早告知莫號夷俘自今以後隨官位稱之若無官位即稱姓名甲辰大雪從五位上登美真人藤津為越中守壬戌遊獵并川野賜待臣衣被

六年春正月癸酉朔皇帝御大極殿受朝蕃客陪位宴待臣於前

殿賜御被丁丑造瓷器生尾張國山田郡人三家人部乙麻呂等三人傳習成業准雜生聽出身己卯宴五位以上并渤海使妻女樂是日正四位下藤原朝臣緒嗣秋篠朝臣安人授從三位從五位下榎本玉從五位上從四位下紀朝臣廣濱大野朝臣直雄從四位上正五位下田口朝臣雄繼從四位下從五位上高階真人遠成紀朝臣梶繼高村宿禰田使藤原朝臣藤成正五位下從五位下藤原朝臣諸主大伴宿禰真城麻呂紀朝臣長田麻呂巨勢朝臣諸成高階真人真仲從五位上外從五位上高丘宿禰弟越正六位上藤原朝臣八綱藤原朝臣愛發和氣朝臣真綱多治比真人松成從六位上甘南備真人高繼正六位上高賀茂朝臣里人橘朝臣氏公紀朝臣家長安倍朝臣諸根大伴宿禰宅麻呂從五位下正六位上廣階宿禰象麻呂廣井宿禰貞名御林宿禰清名廣澄宿禰福麻呂建王部公豐益外從五位下渤海國大使王

孝廉從三位副使高景秀正四位下高英善王昇基正五位下錄
事釋仁真烏賢悞譯語李俊雄從五位下賜祿有差散位從四位
下田口朝臣雄繼卒少僧都傳燈大法師位如寶卒大唐人不知
何姓固持戒律無有缺犯至於咒願天下絕疇局量宏遠有大國
之風能堪一代之壇師者也庚辰正六位上石田王授從五位下
正五位下大原真人淨子從四位下外從五位下凡直古刀自從
五位下從八位下百濟宿祢四千子无位大綱公嶋刀自外從五
位下壬午從五位下小野朝臣真野為上總守從五位下八多朝
臣桑田麻呂為介右近衛中將從四位下紀朝臣百繼為兼美濃
守中納言從三位巨勢朝臣野足為兼陸奥出羽按察使右近衛
大將如故從五位上小野朝臣岑守為陸奥守從五位下甘南備
真人高繼為介外從五位下朝野宿祢道守為越前大掾從五位
上安倍朝臣雄能麻呂為左馬頭兼越中介縫殿頭從五位下伊

勢朝臣德嗣為兼美作權介從五位上紀朝臣長田麻呂為備前
介諸陵頭從五位下粟田朝臣飽田麻呂為兼豐後介從五位下
橘朝臣氏公為左衛門佐癸未刑部省言名例律云除名者六載
之後聽叙免官者三載之後降先位二等叙免取居官及官當者
暮年之後降先位一等叙公式令云犯罪除名未叙之間在本貫
身死者申送刑部注除者今據此令除免之輩未叙身死不可更
叙而本貫主司未嘗言上叙叙之官无知存亡伏請告知職國為
例令言者許之甲申從五位下賀茂朝臣關守為大舍人助左近
衛少將從五位上佐伯宿祢長繼為兼內藏頭阿彼守如故從四
位下石川朝臣河主為民部大輔從五位下橘朝臣長谷麻呂為
少輔外從五位下御林宿祢清名為主計助從五位下藤原朝臣
愛彥為兵部少輔從五位下路真人年繼為宮內大輔從五位下
大伴宿祢國道為少輔外從五位下廣階宿祢象麻呂為造酒正

從五位下和氣朝臣真綱為春宮大進。正五位下安倍朝臣真勝為造。東寺長官。從五位下秋篠朝臣全嗣為造。西寺長官。乙酉。從五位下八多朝臣桑田麻呂為日向守。丙戌。從四位下藤原朝臣道繼為大舍人頭。從四位下紀朝臣咋麻呂為兵部大輔。從四位下藤原朝臣綱繼為左京大夫。左馬頭。從五位上安倍朝臣雄能麻呂為兼上野守。右兵衛督。從三位春原朝臣五百枝為兼下野守。丁亥。制撰津美濃丹波播磨等國夷俘。身帶五品。願見節會者。與國解放之。自餘不在放例。又崇福梵釋二寺者。禪居之淨域。伽藍之勝地也。今聞道俗相集。還穢佛地。繫馬牽牛。犯汙良繫。宜令近江國嚴加禁斷。若有不從制者。五位已上錄名。六位已下留身。並言上。戊子。御豐樂院宴。五位已上及蕃客。奏踏歌。賜祿有差。己丑。御同院觀射。壬辰。於朝集堂饗王孝廉等。賜樂及祿。癸巳。發尾張參河美濃越前但馬美作備前等國役夫一萬九千八百人。修

理朝堂院。其食并往還路糧。並用正稅。甲午。渤海國使王孝廉等歸蕃。賜書曰。天皇敬問渤海王。孝廉等至。省啓具懷。先王不終遐壽。奄然殂背。乍聞惻怛。情不能已。王祚流累葉。慶溢連枝。遠發使臣。聿脩舊業。占風北海。指蟠木而問津。望日南朝。凌鯨波以修躡。永念誠款。歎慰攸深。前年附南容等啓云。南容再駕窮舩。旋涉大水。伏望辱降。彼使押領。同來者。朕矜其遠來。聽許取請。曰。差林東仁。死使分配。兩舩押送。東仁來歸。不嘗啓。因言曰。改啓作狀。不遵舊例。由是發日。棄而不取者。彼國修聘。由來久矣。書疏往來。皆有故實。專輒違乖。斯則長微。夫克已復禮。聖人明訓。失之者亡。典籍垂規。苟禮義之或虧。何須責於來往。今問孝廉等對云。世移主易。不知前事。今之上啓。不敢違常。然不遵舊例。慙在本國。不謝之罪。唯命是聽者。朕不咎已往。容其自新。取以勅於有司。待以恒禮。宜悉此懷。間以雲海。相見無由。良用為念也。春首餘寒。王及首領百

姓並平安好。有少信物。色目如別。略此還報。一二無悉。壬寅。授正六位上。岡上連弟繼外從五位下。是日停對馬史生一員。置新羅譯語。二月戊申。延大學博士及學生等於殿上。立義賜祿。有差。辛亥。越中國介正六位上。大伴宿祢黑成。掾正六位上。多治比真人清雄。少目從七位下。和迹部臣真嗣等免。以盜官物也。其守從五位上。藤原朝臣鷹養大目正六位上。上村主乎加豆良。以身卒死。勿論其罪。己未。行幸交野。庚申。百濟王等奉獻。五位己上。并六位己下。及百濟王等賜祿。有差。乙丑。車駕自交野還。庚午。幸神泉苑。花宴。命文人賦詩。侍臣及文人賜綿。有差。三月癸酉。制蕃國之使入朝。有期。客館之設。常須牢固。頃者疾病之民。就此寓宿。遭喪之人。以為隱處。破壞舍垣。汗穢庭路。宜令彈正并京職檢校。甲申。從五位上。安倍朝臣真直為左少辨。左近衛少將從五位下。布勢朝臣全繼為兼權左少辨。伊豫介如故。從五位下。和朝臣繩繼為中

務少輔。從五位下。藤原朝臣賀祐麻呂為侍從。武藏介如故。從五位下。紀朝臣興道為備前介。辛卯。勅軍用之要。以馬為先。今聞權貴之家。富豪之輩。通使於邊邑。求馬於夷狄。部內由其不肅。兵馬取以闕乏。宜依延曆六年格。禁買陸奧出羽兩國馬。若有犯違。實以嚴科。物即沒官。但馱馬之色。不在禁限。丙申。從五位下。高賀茂朝臣里人為神祇少副。丁酉。置春宮坊。坊掌二員。陸奧國遠田郡人竹城公音勝等卅五人。賜姓高城連。真野公營山等卅六人。真野連白石公千嶋等卅九人。白石連遠田公廣播等廿九人。遠田連意薩公廣足等十六人。意薩連夏四月癸卯。從五位下。大伴宿祢乎智人為典藥助。從五位下。紀朝臣繼足為左京亮。己酉。撰津國住吉郡地十町。賜參議右大辨從四位上。紀朝臣廣濱壬子。幸神泉苑。癸亥。幸近江國滋賀。韓琦便過崇福寺。大僧都永忠護命法師等。率眾僧奉迎於門外。皇帝降輿。升堂禮佛。更過梵釋寺。停

輿賦詩皇太弟及群臣奉和者衆大僧都永忠手自煎茶奉御苑御被即御船泛湖國司奏風俗歌舞五位已上并掾以下賜衣被史生以下郡司以上賜綿有差五月甲申尚膳從三位永原朝臣惠子薨薩摩國蝗免調庸田租乙酉從五位下橘朝臣長谷麻呂為右少辨從五位下多治比真人松成為主計頭從五位下紀朝臣國雄為大藏少輔戊子渤海國使王孝廉等於海中值逆風漂迴舟楫裂折不可更用癸巳令越前國擇大船駕蕃客也己亥備前國津高郡荒廢田十九町賜業良親王六月庚子朔從五位下長岡朝臣岡成為散位頭從五位下藤原朝臣承之為駿河守壬寅令畿內并近江丹波播磨等國殖繇每年獻之是日大雷內舍人并四衛府舍人以上賜祿有差甲辰京畿百姓調錢五十文今改定八百卅文癸丑渤海大使從三位王孝廉薨詔曰悼往飾終事茂舊範褒忠錄績義存先彙故渤海國使從三位王孝廉闕庭

修聘滄溟迴艫復命未申昊蒼不憖寔雖有命在天薤露難駐而恨銜使命不得更歸朕慟于懷加贈榮爵死而有靈應照泉扃宜可正三位更賜信物并使等祿以先取賜濕損也乙卯河內國澆賑給乏絕戶戊午皇子源朝臣信弟弘常明女貞姬潔姬全姬善姬等八人右京人從四位下良岑朝臣安世從五位下長岡朝臣岡成等貫附左京辛酉從五位下秋篠朝臣祖繼為民部少輔從五位下紀朝臣家長為左京亮癸亥業子內親王薨遣使監護喪事賻純卅一匹布五十端錢二百貫文皇帝之第一女也母曰二品高津內親王是日山城國乙訓郡物集國背兩鄉雷風壞百姓廬舍入或被震死先是有大蛇入人屋即斂之未幾其人被震丙寅播磨守贈正四位下賀陽朝臣豐年卒右京人也該精經史射策甲科秉操守義無取屈撓自非知己不好造接大納言石上朝臣宅嗣禮待周厚屈芸亭院數年之間博究羣書中朝群彥皆以

為釋道融御船王之不若也。尋友人小野永見命筆勅公字其詩曰：白眼對三公，貴勝惡之。延曆年中任東宮學士及踐祚，叙從四位下，拜式部大輔。既而女謁屢進，英賢見排，獨抱素懷，任運玄默。厥後天皇不豫，傳位上嗣，遷御平城，不預追從，猶守本職。及于後亂，自戢辭退。今上惜其宏材，任播磨守，令得終身。在任三年，移病入京，卧于宇治之別業。昔仁德天皇與宇治稚郎相讓之事，具著國典。故老亦語風俗，病裡聞之，追感不已。託左大臣慕為地下之臣，卒日有勅許葬陵下，贈正四位下，以崇國華也。時人猶謂天爵有餘，人爵不足。時年六十有五，是日右大臣從二位兼行皇太弟傳藤原朝臣園人等口表乞還先祖功封曰：臣等，高祖大織冠內大臣鎌子，在昔天豐財重日足，姬天皇御宇也。緣一匡之功，錫封一萬五千戶。亂子正一位太政大臣堂構相承，門風是存。由茲慶雲四年勅賜封五千戶。大臣固辭，天恩允請，即減定二千戶。傳及

子孫。天平神護元年從一位右大臣抗表奉返，寶龜元年勅更還賜。大同三年正三位守右大臣內麻呂又抗表奉返，不蒙允聽。臣等伏料元緒事寄功勞，今臣等冒寵苟進，未効消塵，荷恩時來，徒冥山岳，而重叨殊私。久淹歲序，俯仰天地，慙悚因厝，恐乖忌滿之遠試，必取覆餗之近憂。伏願奉納，取傳功封，以補萬一。少塞素尸。天鑒曲迴，矜斯誠請，則家祚惟永，物議復休焉。無任丹懇切迫之至。謹拜表陳請，以聞。不許。秋七月辛未，外從五位下廣井宿祢貞名為縫殿助，外從五位下菅秦畫師笠麻呂為西市正，正五位下藤原朝臣藤成為播磨守，從五位下淨野宿祢夏繼為介，河內國人外從五位下勇山連家繼，外從五位下文繼，正七位上國嶋，正七位下真繼等，貫附右京壬申，河內國人從七位下高道連，鯛釣等五人，貫附左京丙子，幸神泉苑，命文人賦七夕詩。壬午，立夫人從三位橘朝臣諱嘉智為皇后。是日暴雨雷鳴，庭潦泛溢，參議官

內卿正四位下藤原朝臣緒嗣進就閤門宣命其詞曰天皇大命
止良万勅布大命乎親王等臣等百官人等天下公民衆聞食止宣
食國天下政波獨知倍物亦不有必母斯理弊乃政有止倍之自古
行來魯事皇后定志閭中乃政波成物止奈常毛取聞者行須故
是以從三位橘夫人乎皇后止定賜布故此狀乎悟而供奉止勅
布天皇御命乎衆聞食止宣贈皇后父正五位下橘朝臣淨友從
三位授從四位下藤原朝臣貞嗣從四位上從五位下橘朝臣永
繼從五位上外從五位下朝野宿祢道守滋野宿祢家譯從五位
下從四位下藤原朝臣綱繼為大舍人頭左衛門督從四位下良
岑朝臣安世為兼左京大夫但馬守如故從四位下藤原朝臣道
繼為右京大夫從四位上藤原朝臣貞繼為皇子宫大夫從五位
下紀朝臣繼足為亮從五位下滋野宿祢家譯為尾張守從五位
下甘南備真人濱吉為石見守夫人從三位多治比真人高子為

妃從四位下藤原朝臣緒復為夫人河內國人外從五位下當宗
忌寸家主等十六人貫附左京甲申授正三位五百井女王從二
位從四位下藤原朝臣緒復從三位從五位上橘朝臣御井子從
四位下壬辰從五位下大中臣朝臣淵魚為神祇大副從五位下
甘南備真人濱吉為刑部少輔從五位下高賀茂朝臣里人為美
濃權介從五位下大中臣朝臣弟守為石見守癸巳幸神泉苑甲
午詔曰天生黎元樹之司牧取以阜財利用化成天下是以欲濟
弊俗達宜不已思使農夫有稔熟之歡婦功無扞軸之歎而去五
月以降雨水迸溢田疇不修夫百姓不足君孰與足宜裨左右京
畿內無出今年田租務存優恤副朕意焉是日復諸國司遷替以
四年為限八月己亥朔日有蝕之辛丑遣使奉幣於伊勢太神宮
并賀茂太神以霖雨不晴也戊申外從五位下廣澄宿祢福麻呂
為造西寺次官從五位下大中臣朝臣弟守為丹後守從五位下

紀朝臣貞成為石見守。辛亥如日向國軍殺一負。丙辰授從四位下。橘朝臣常子從三位。甲子遊獵北野。乙丑從五位下。弟村王為筑後守。丁卯右京人少初位下出。臣廣津麻呂等七人賜姓春岑。朝臣九月辛未從五位下。藤原朝臣愛發為中務少輔。從五位下。甘南備真人濱吉為主計頭。從五位下。菅野朝臣高世為兵部少輔。從五位下。多治比真人松成為刑部少輔。少僧都傳燈大法師位常騰卒。法師俗姓高橋朝臣京北人也。法師道業優潤。博究經論。注釋六十三卷。後生仰之。了證斯在。為人質素。詞乏文華。至於決釋義理。獨步少儔。可謂釋門之脂粉。人倫之龜鏡者也。初入興福寺。與故少僧都忠芬有隙。移往西大寺。守法待終。與化而盡。春秋七十有六。癸巳遊獵大原野。五位以上及國司掾以上賜衣被。冬十月庚子。安房國獻蘆二枝。長各三丈。圍一尺。甲辰制。皇后宮職舍人者。一百五十人。以白丁補之。除此之外。以入色補之。壬

子散事從二位百濟王明信薨。丁巳散事從三位大原真人明薨。戊午外從五位下江沼臣小並為陰陽助。從五位下藤原朝臣豐彥為長門守。壬戌遊獵栗前野。五位已上賜衣被。勅親王內親王女御及三位已上嫡妻子。並聽著蕙芳色象牙刀子。但緋色鞞勒一切禁斷。又禁女人著褐及黃櫨漆等色。唯節會日不在禁限。五位已上聽恒服劔刀。六位已下不得以金銀為飾。內親王孫王及女御已上四位已上內命婦四位參議已上嫡妻子大臣孫。並聽兼金銀裝車。自餘一切禁斷。十一月丁亥。勅延曆格云。斷決囚徒。令有正文。順時肅敬。不可虧違。或過秋分節。延入立春。是既乘法。式都無准的。宜死罪者。年終斷訖者。今於行死刑。秋冬無妨。而頃年有司。必至年終。乃奏刑書。施行之後。計其行程。合入春月。以到遠國。宜自今以後。十月初斷。麥訖。但始自十一月一日。至于十二月十日。常行祭事。不得令京官此限內決死刑。甲午遊獵水生野。

五位已上及兩國掾以上賜衣被是日令諸國正稅帳計帳兩使便附朝集使不聽別差使以省郵驛迎送也十二月丙午大和國人從五位下朝野宿祿鹿取從五位下道守等男女六十四人貫于右京癸丑遊獵芹川野戊午廢常陸國板來驛乙丑勅諸國司等各期六年之任不慮四歲之替國內雜務非唯一途今新格忽行心事相違而去秋下稔損害殊甚定知遷替之人必累拘留宜須明春新舊交替之政依今年損取有未納隨帳分付即令後任國司准延曆廿五年四月十六日填納舊年未納之格每年徵收附帳言上但有返舉虛納欠負未納而得公解之類准法科附今年免大宰府管内諸國三箇年田租以頻年不登是歲自五月及九月霖雨諸國多被其害焉

日本後紀卷第廿四

考異

永貞二張右一行真舊從五位下二左九四字舊脫贏餘三左
舊作贏據類上下文訂從五位下二左九四字舊脫贏餘三左
史一本訂類辛波古知右四右日本二古略訂榎本王類五右四本釋仁
真五左二真右兵衛督衛門左六兵衛舊作御同院紀六左作十二下釋仁
葉七右史三葉舊作業為念也類七右作十三也一二無悉作七左一內同累
訂一本并掾以下賜衣被史生以下郡司以上八左三類史十五字略補令
越前國八左七命令固成九右六成舊貞嗣下十左七類史十五字略補令
雨水送溢十右九逆類史十五字略補令
刀子十右四逆類史十五字略補令
秋冬無妨十右四逆類史十五字略補令

右日本後紀殘缺第第五第第十三第第十四第第十七第第二十第廿二第廿四合八卷
門人稻山行教於京都寫之以類聚國史日本紀略等諸書校合畢
寬政十一年十月日
檢校保己一

明治十六年四月十一日出版御届
同年同月出版

參考共出版人

東京銀坐貳丁目十番地

神奈川縣平民
岸田吟香

全

全 麴町四丁目十三番地

東京府平民
磯部太郎兵衛

全

全 神田五軒町五番地

愛知縣士族
林安之助

發兌人

大阪本町四丁目書林

赤志忠七

印行所

東京神田五軒町八番地

石版銅版木版諸林券書籍類印刷所
精版會社

149
20
9

